

I CIPANGE CA LEZA

CILONDO CAKATONDEZEGWA

 Nda kulumba, maningi, mukwesu. Billy uyanda kuti ndaambi kuteeti eci nciindi cangu citaanzi mu cikambaukilo, kwa myeezi yotatwe. Elyo wa . . . Nda yeeya ciindi citaanzi ni Nda kamupede, kapa bumboni, wa kati, "I cintu citaanzi, Nda yoowa." Ndili obo, ambebo. Kutandila myaka ili makumi otatwe ayosanwe mu mulimo, nkabela nce ciindi cilamfu maningi kutaba mu cikambaukilo kuzwa ni Nda kali mu mulimo. Nda kali kuyandikana kulyookezya kuniini, aboobo Mukwesu Mosley a Ndime, a bakwesu bamwi okuno, bakali mu lweendo lwa kuvwima luniini. Elyo twa kapumuna eno. Elyo oyu ngo muswaangano wangu mutaanzi kuzwa. Ne . . . kutandila matalikilo a Itwi. Elyo ncintu cimwi . . . mulimo ncintucimwi nco elede kubaanga nkukkala aco.

2 Elyo eno Nda balomba kuzima eyo faani, na kubona kuti inga baizima, nkaambo Ndi lizi nciyumu kumvwa. Elyo nciyumu, Ndi lizi, cindi umwi anopa bumboni bwakwe. Cakali ciyumu kuli ndime ku bamvwa. Sa mulakonzya kumvwa kabotu lino? Neibotu. Ndi lizi kubaanga nkuima munsi ku maikrofooni eyi kusikila ya bambwa eyo.

3 Eci ncoolwe ii—ii ncobeni cibotu kuli ndime, alimwi Ndi—Ndili lumbide ncobeni kuli sicutu, aku mutabi wa Bantu Basimakwebo ba Makanimabotu Azwide omuno mu Yuma, a ku bakutausi boonse. Aba mbaimbi babotu awa, bali atala awa kaindi kaniini kainda, Ndi yanda kuba swiilila ku i—i muswaangano. Eco cakali kabotu ncobeni. Nda—Nda kagambwa buyo, cindi nibakali kwimba, ikuti na Johane waka ndibona. Elyo Ndi syoma kuti wakacita. Elyo, aboobo, Nda mvwa kuti uli mu lubukulusyo awa. I Mwami amu longezye cabuvubi, mukwesu a mucizi, mbuli mbo mukutausi. Elyo ku beenzuma bangu boonse mu Phoenix a masena aindene, abo . . . alimwi kuzwa okuya mu California.

4 Elyo Ndi yanda buyo kwaamba bbala kujatikizya macapita. Cindi Ne kasika ku bantu ba Pentekoste, Nda kali . . . kajisi luzibo lwa pentekoste, muku taziba kuti kwakali mbungano ya Pentekoste. Nda kali muna Missionari Baptisti eelyo. Nda katambula lubbizyo lwa Muuya Uusalala, elyo Nda kajana kuti kwakali bantu bamwi abo bakasyoma cintu nciconya eco nce Nda katambula. Elyo baka citambula myaka ili makumi one ka Ndi tana kusika. Aboobo Nda kali buyo umwi, mbuli Paulo mbwa kaamba, Nda syoma, kutali kusola kwaamba a nguwe,

pele musyobo wa “umwi wakazyalwa mu ciindi ceelede.” Pele i... Bakwesu bangu bakali kuboneka kuyeyya kuti Nda kazwa, kubaanga ku mamanino asakene, mbuli mbo tu ciita. Pele Ndi—Nda kalizi kuti Nda katambula cintucimwi. Mpawo, luzibo lwangu lwakali buyo mbuli kuti baka lujisi kuya. Elyo eyo nje nzila mbo Ndi botelwa eco.

⁵ Elyo, pele cindi Nda boola akati kabo, i—i cibeela cakupasuka moyo kujatikizya ncico, Nda kajana kuti bakali kutandila buyo ku kwaandaana, mu tubungwe twaandeene, mbuli mbungano yangu ya Baptisti mbo yakabede. Elyo ba... Nda kayeeya kuti kwakali omwe buyo uutegwa Pentekoste, nkabela yakali njiyo. Pele, kaboola kujana kuti, kwakali tubungwe tusyoonto twandeene twabo. Aboobo, Ndi... boonse bakali kabotu. Ndi lizi bamwi baalumi babotu kwiinda mbe Nda kasola kuswaana, mu buumi bwangu, bakali mu nkamu ezi. Elyo ba kali—ba kali, mubwini, tubungwe twaandeene. Elyo myeeyo wangu—wangu wakali kuti tweelede kuba bomwe mu moyo, a Kristo, alimwi Nse kasangana kabungwe kamwi kali koonse ka mbabo. Nda kakkala buyo akati kabo, a kusola kujatilila maanza obile, a maanza oonse, a kwaamba, “Tuli babunyina.” Ta tu... Inga twa bona zintu ziniini kaziindene kuzwa kuli imwi, kuzwa kuli imbi. Pele, kunze ly a zyoonse ezyo, tu cili babunyina, nkaambo twa kazyalwa ku Muuya omwe. Tuli mukwasyi wa Leza.

⁶ Mpawo cindi basimakwebo Banakristo, Bantu Basimakwebo ba Makanimabotu Azwide, oyu mutabi, Nda kali akati ka miswaangano mitaanzi a Mukwesu Shakarian. Nda kali muzyi kakutaninga kuba kabunga, na cintu cipona caka bambwa. Nda kayeeya kuti cakali cintu cilemu. Elyo wakali mulyango ujikide kuli ndime, kuya ku masi manji abaaba Bantu Basimakwebo ba Makanimabotu Azwide.

⁷ Oko, ziindizimwi, kuti ula jana nkamu ya bakutausi, ciindicimwi, balaba a kulimvwa kuniini kulwana nkamu imbi, nkambo umwi wa kaamba cintucimwi. Eco tacili konse, pele tu cijana mu masena aliko. Elyo mbuli, ikuti na mbungano imwi iyo cigwasilizya, imwi imbi taikabi a cintu cakucita ancico.

⁸ Pele a Bantu Basimakwebo ba Makanimabotu Aazwide, wakali mulyango uujukide kuli ndime. Cindi ba boola mukati, mpawo Ndi swaanganya bakwesu antoomwe, nkabela tula—tula konzya kunjilana; ndiza beembeli bobilo inga kabajisi kulimvwa, na cintucimwi. Oyu wakali mulyango mupati ujikide, alimwi Nda keenda mu masi manji nkambo ka mbabo eno kwa myaka, ku kanana mu mitabi yabo.

⁹ Elyo Ndi... Yuma taili tauni mpati, nekubakuti Ndi yeeyela kuti nimpati loko kwinda imwi Nkwe zwa, Jeffersonville, Indiana. Pele Nda swaana sicuuno awa. I... wa kali... elyo imwi

yandeene iya mutabi wanu. Elyo Ndi yeeya kuti mujisi ciindi cibotuloko awa.

¹⁰ Ndali kuyeeya buyo, sunumasiku, mbuli mbo Ndi kkede awa a kulanga bantu. Nywebo mulizi, tuyo zwa calinolino mu coolwe eci. I Kkanso ya Mambungano iya Inyika iyo tumena cakufwambaana. Nda yeeyela kuti bunji bwa nkamu yangu sunu masiku yabambwa aa ba Pentekoste, a ba Baptisti, a— a Mbungano ya Leza, abalo bali anze kuli eyo Kkanso ya Mambungano iya Nyika yonse. Elyo—elyo balo, eco nce ncico ncoba kacita, alimwi mbo mbubo Bbaibbele mbolya kaamba kuyo cita. Elyo twa kacenjezegwa kuli ceeco, aboobo atu kkale antangalala kuli ncico. Elyo aboobo mbuli mbo kali kukanana sunumasiku kujatikizya, mu lwiimbo, kutandila Kuboola kwa Mwami, inga kwaba munsi loko kwiinda mbo tuyeeya kuti mbo cibede.

¹¹ Elyo Ndi yeeya kuti nce cindi notu konzya kuba antoomwe a musyobo oyu wa luswaanano, ci cita cintucimwi kuli ndiswe, eco cituleta munsi loko kuli umwi aumwi. Elyo mbuli mbo tuswena munsi loko kuli umwi aumwi, akwalo tula swena maningi kuli Leza, nkambo Jesu wakati, “Muciimo mbuli mbo mucitila baniini aba bana Bangu, mwa cicitila kuli Ndime.”

¹² Ndi jisi mulombe muniini omuno abusena bumwi, Nda yeeyela, Joseph. Ndi jisi Billy ukkede awa. Bana bobile basimbi bakkede kusule kuya, a mukaintu. Lino ikuti na umwi waka jisi cintucimwi eco cakali . . . wali kuyanda kucita kabotu loko, Inga ndayanda maningi kuti inga mwacicita ku bana bangu kwiinda kucicita kuli ndime. Elyo aboobo Nda limvwa kuti ndiza, mbuli muzyali, alimwi Walo kasensa ka bupaizi, Ndi yeeya kuti eyo nje nzila Leza njalimvwa. Ikuti na tweede . . . Tula Mu belekela mbuli mbo tubelekelana umwi aumwi. Eyo nje nzila mbo tu belekela Leza.

¹³ Elyo mukuziba eci kuba bwini, mpawo Ndi yeeya kuti eco nce ciindi oyu mutabi nouswaangana, mukuba kuti imvwi amavangeli manji . . . Takukwe njiisylo nconzyo eyo njo baimina Bantu Basimakwebo ba Makanimabotu Azwide. Ba iminina buyo Makanimabotu azwide. Elyo ikuti na bantu baimpana, oko kuli kabotu nconzyo. Kuli kabotu. Tu jisi luswaanano nokuba. Aboobo Ndi yeeyela kuti inga caba ii . . . Ikuti Ne kapona omuno mu dolopo eli, Ndila syoma, cindi oyo mutabi niwakali kuswaangana, ikuti na kwakali kukonzeka kumwi nokuceya, Ne kabako alimwi onse okuya Ngwe kali kukonzya kujana okuya. Mbo mbubo, nkaambo nci ii—ncintu cituyumya antoomwe.

¹⁴ Ndi kkala mu Tucson, alimwi Ndi zumanana kukanana mu mutabi oyo, ciindi coonse. Elyo mu Phoenix, kuzwida ciindi ni Nda kaunka ku Arizona, Ndili ku Phoenix ziindi zyoonse Ndi jana coolwe ca kuzwa a kusika ku—ku Phoenix,

nkaambo...a kusola kuleta muntuumwi antomwe andime, kutamba muntuumwi, kujana bakutausi bambi.

Elyo kwaamba, “Ee, ee, yebo wabona, Mukwesu Branham, ta tuciti.”

¹⁵ Nda amba, “Tacikwe makani eco nco...Atu unke buyo andime. Koya mbuli ii—ii mweenzuma, a ndime.”

¹⁶ Elyo kuba bikka buyo alya aniini. Nku konse nkoelede kucita. Elyo ba kajana kuti, myoyo ya bantu boonse ili mu kufwa nzala ya luswaanano. Alimwi tweede kuno cita nzila eyo. Calo ncitondezyo cipati caciindi cakumamanino. Leza longezya oyu mutabi. Akube kuti ci—acibe kusikila Mwami Jesu akaboole kuzo tutambula mu Bulemu, ngo mupailo wangu.

¹⁷ Lino, Nda yeeya lweendo lwangu lutaanzu kwiinda mu Yuma. Nda kali mu Modelo-T Ford eyo yakali kukonzya kubamba mamaile ali makumi otatwe mu oora. Ndali kuyeeya mbuli Mbweli kweenzya sunu. Nke cisjomekede ku Ford; Ndi cijisi imwi, nkabela taakwe nce kajisi cimbi cita eyo. Pele ndi...Lino, Nse sambali ma Ford. Lino, oko takuli kunjizya eyo. Mwabona? Pele Nda yeeya obo Ford eyo...Bunji bwanu nobakwesu batandila musela wangu mula iyeeya yakaindi Modelo T. Eyi yakali mu 1927. Wa keelede kuboneka kabotu loko nape nota kajana Yuma cindi nokainda. Yalo ni niini loko, alimwi mwa kavula ncobeni. Pele, nzila Mbwe enda mamaile ali theeti mu oora kuzwa ku Ford yangu, ya keenda mamaile ali fifitiini mu oora nzila *eyi*, fifitiini muli *eyi* nzila. Aboobo, kucibikka antoomwe, Nda kajisi mamaile ali makumi otatwe mu oora lyomwe, a kugwenauka kwangu koonse azimwi zimbi. Yuma yaka komena.

¹⁸ Eyi Mbungano yabulemu, kuti, tu—tu lwanina Lusyomo olu lubotu.

¹⁹ Nda kulumba, mukwesu, kufumbwa oyo wakacita ceeco.

²⁰ Ya kakomena, ayalo, alimwi tuli lumbide kuli ceeco. I Mwami amu longezye nyoonse.

²¹ Tula syoma, ikuti na nkomuli, munsi, kufumbwa miswaangano eyi...Ndi jisi i—i mutabi ku Phoenix, wa kukananina, Munsondo mutobela. Alimwi Munsono iccilila ku Flagstaff. Alimwi Muvulo uccilila, wa tweenti wani, ncipobwe ku Tucson. Nyoonse muli tambidwe.

²² Elyo, na Mwami wayanda, Ndi yanda kuyo kanana mu buyake bwamisobanino ibwaku Westward Ho Hotel, Ndila syoma. Ino mbusiku nzi obo mbo citalika? [Muntu umwi waamba, “Ayo Munsono masikati, kkumi aciloba.”—Mul.] Munsono masikati, bwa seveeintiini, kuswaangana buyo kuniini kwavangeli. Bulangizi aba baimba bali munsi, kutandila ku ciindi eco, kutu gwasya. Elyo tuyu obako mpawo kusikila Bwatatu. Ndi yeeya kuti ngu Munsono masikati. Elyo tula

cita eco nkaambo ta tuka kanyongani a bumwi bwa mabambe aa mambungano. Mpawo, mu Muvulo a Bwabili, elyo mpawo Bwatatu tuli ku R...ku Kumbo-...i Ramada Inn, Ramada Inn. Elyo mpawo Bwane tuyu talikila ku Westward Ho. Sa mbubo?

²³ [I mukwesu waamba, "Westward Ho, Munondo, Muvulo, Bwabili. Mpawo tuunka ku Ramada Inn, Bwatatu, elyo twa kkala okuya mane muswaangano wabaiminizi."—Mul.] Muswaangano mupati uli okuya, ku Ramada Inn. Aboobo tuyu botelwa kuba andinywe kufumbwa ciindi.

²⁴ Lino, katutana jula ku Bbuku eli, atu kotamike mitwe yesu aniini buyo a kukanana kuli Mukamwini.

²⁵ Lino, a mitwe yesu kiikoteme ku suko kuzwa oko Leza nkwa katubweza, alimwi, ikuti na Jesu katanasika, tweelede kujoka ku nzila eyo buzubabumwi. Kuzwa buyo ciindi ni Nda kali kokuno, Ndi jisi mulumbe kuzwa kujwe, oyo mulindu muniini ngo Nda kazi... Ngo musimbi muniini uulikidwe kuti Edith Wright. Kafwa kuya kuswaana Leza, masikati aya, aa thrii okuloko. Twe elede kupiluka. Ikuti na kuli umwi awa uyanda kwibalukwa mu mupailo, walombwa utambike buyo janza lyako kuli Leza. Leza aku longezye.

²⁶ Taata Wakujuju, mbuli mbo twa botelwa luswaanano olu lubotu, kwiimba, oh, obo mbo caka botelezya moyo wangu cindi Ne kamvwa lwiimbo olo, *Sena Johane Waka Ndi bona?* Taata, Ndi syoma kuti toonse tu yoobako, umwi aumwi wesu. Elyo twa kotama ku bulongo, alimwi twa—twa lomba kuti Uta mbule kupakulumba kwesu—kwesu, a kweempwa kwesu, a mupailo wesu kuli umwi aumwi.

²⁷ Elyo lino twa jula ku Ijwi Lyako, cibeela cisetekene ca muswaangano eco ciboneka kuba cisetekene loko kwiinda—kwiinda cimwi, nkaambo tu lizi ku ciindi eci tu langanya bantu, kuba sololela ku Bwini, kuli Kristo a ku Ijwi, lili ngu Kristo. Elyo twa lomba kuti Utu julile IJwi. Ta—ta tu kkwanisyi, Mwami, pele Yebo ula kkwanisyi konse. Aboobo Nda komba kuti Uyo longezya kusoleka kwesu kukompeme, alimwi akube kuti sunumasiku kulijana tobени a busena bwesu mu Ijwi lya Leza. Ko cipa, Taata. Elyo tuyu Kupa kulumbaizya, nkambo twa cilomba mu Zina lya Jesu. Ameni.

²⁸ Lino, eci ncibotu loko kuba kokuno. Ndi jisi bulembu busyoonto awa obo Mbwe yeeya kuti inga Nda tondeka ku, kwa maminiti masyoonto, mbuli Mbwe tayeeyeli kuti tula zumizigwa kubamba hoolo eyi kwaciindi cilamfu ku mangolezya. Elyo Ndi baanga, ambebo, akati ka bantu ba Pentekoste, Ndi baanga ndamuka, nywebo mulizi.

²⁹ Nda yeeya. Nda mwaambila, antela. Cindi Ne kasaanguna kubona mukutausi wa Pentekoste, wakali Muf. Robert Daugherty uzwa ku St. Louis. Nda zumbauzya naa kufumbwa wanu wali muzyi. Mwa kabubona bumboni bwa musimbi wakwe

muniini mu bbuku. Wa kali—wa kali... Waa kaponesegwa ku cizyano ca St. Vitus, alimwi waa kalanzigwa buyo meso. Elyo nje nzila mbo Nda kaswaana bantu bataanzi ba Pentekoste.

³⁰ Elyo, eci, Nda kaunka kuyo mumvwa ka kambauka, alimwi—alimwi, ma, wa—wa kali kukonzya kukambauka. Wa kali kunga... Ta kalindila akwalo cintu. Elyo wakali kunga wakambauka kusikila wa kali kufundilila, alimwi wakali kuba bbulu kumeso, alimwi mazwi akwe akali kuumana, alimwi wakali kunga watandila kuma cibuye. Elyo wa kali kunga wajata kuyoya kwakwe, wakali kukonzya kumumvwa kumamanino a dolopo kunselelo okya, kutandila, kujoka kakambauka. Elyo kayeeya, “Ma, Nse—Nse konzyi buyo ku ciyeeya cakufwambaana eco.”

³¹ Nde elede kubaanga nkutola ciindi cangu. Ndibee ndamuka, a kucembaala, akwalo, nywebo mulizi, kuya busobeleta, aboobo Ndi syoma kuti mulandi kkazikila moyo kwa maminti masyoonto.

³² Kuli cintu comwe masimpe, eco Nce zyi tacika kakilwi, nkabela eelyo ndi Ijwi Lyakwe. “Majulu a nyika ziyo loba, pele Ijwi Lyakwe tali kakakilwi.” Aboobo atu jule lino, ikuti na muli jisi Bbaibbele lyanu, a mbuli kubala kuzwa kuli Ndilyo, mu Bbuku lya Isaya, cipati ca 53 ica Isaya. Ndi yanda kubala eci buyo ku kuyaka, kujana cibalo ca kuyaka ciyo, kwa kaindi.

Nguni wa syoma bulunguluzi bwesu?... Nkuulini ikuboko kwa MWAMI nko kwayubununwa?

Nkambo uyo kula kumbele lyakwe mbuli cisamu cantengantenga, alimwi mbuli tuyanda kuzwa anyika njumu: ta jisi ciimo nanka bwiime bwa bubotu; alimwi cindi twa kumubona, kwiina bweebesi mbo tweelede kumuyandila.

Ula sampaulwa a kukakigwa ku bantu; muntu wa buusu,... ubwene macise: elyo twa kasisa mbuli kuti akali masyu esu kuzwa kuli nguwe; wa ka sampaulwa, nkabela tee twa kamulemeka.

Masimpe wa ka bweza mafwabi esu, a kuyumuna buusu bwesu: nekubabobo twa kamuyeyela kuti wakaumwa, kucisigwa a Leza, a kupenzegwa.

Pele wa kayaswa nkambo ka nsotoko zyesu, wa cuzaulwa nkambo ka milandu yesu: kukomwa kwa luumuno lwasu kwakali ali nguwe;... ku mibunda yakwe twa ponesegwa.

Toonse tuli mbuli mbelele zyaka pambuka; twa tola nzila umwi aumwi yakwe njayanda mwini; alimwi MWAMI... kabikkidwe ali nguwe milandu yesu toonse.

Wa kadyamininwa, alimwi wa kapenzegwa, nekubabobo ta kabbamuna mulomo wakwe: wa ka letwa

mbuli kabelele kuya kukujaigwa, alimwi mbuli mbelele kumbele lya basikugela ka uumwide, . . . ta bbamuna mulomo wakwe.

Wa kagusigwa mu ntolongo a kuzwaku lubeta: alimwi nguni uyo lungulula nzyalani yakwe? nkambo waka nyonyoonwa kuzwa ku nyika ya baumi: alimwi nkambo . . . nsotoko zya bantu bangu wa kacisigwa.

Elyo wa kasya cuumbwe cakwe kubelesya babi, a barubi mu lufu lwakwe; nkaambo ta ka cita bubi, naanka kuti kwa kajanwa okuya lweeno mu mulomo wakwe.

Nekubaboo caka botela Mwami ku mucuzaula; walo wa ka mubika ku mafwabi: cindi mwa kubamba buntu bwakwe cituuzyo ca zibi, uyo bona lunyungu lwakwe, alimwi ciyo vuzya mazuba akwe, a kuyanda kwa Mwami kuyo zwidilila mu maanza akwe.

Uyo—Uyo bona kutongela kwa buntu bwakwe, alimwi uyo kkutila: kwiinda ku luzibo lwakwe mulanda wangu uululeme uzibya buyo banji; nkambo uyo yumuna milandu yabo.

Nkikaako Njo mwaabauda cibeela ca balemu, alimwi uyo abaula zisaalo a basinguzu; nkaambo wa . . . katila buntu bwakwe ku lufu: nkabela wa kabalwa a basinsotoko; a kuyumuna zibi zya banji, a kubamba kukombelezeyza kwa basinsotoko.

³³ Ndi yanda buyo kwaamba eci, ku cibalo buyo ciniini. Ndi yanda kubweza cibalo kuzwa awo, mbuli: *I Cipange Ca Leza Cilondo Cakatondezegwa*.

³⁴ Lino, eci inga caba ii—ii—ii cibalo ca kubala, ku kubweza cipange cilondo. Pele cindi twa langa ali ncico, mbuli mbo tunga twa yeeya, kuti inga caba zintuzyonse zimbi cita cipange cilondo, nkaambo lya katii, “Twa kasisa masyu esu kuzwa kuli Nguwe, alimwi kwakanyina bweebesi mbo twa keelede ku Mu yandila.” Elyo ziindi zinji, eco nco tunga twaita cipange cilondo, kuciindi Leza nata kajisi cintu cakucita a ncico. Nkaambo, busongo bwa muntu mbufubafuba kuli Leza, pele bufubafuba bwa Leza bulainda kusongwaala kwiinda busongo boonse bwa muntu.

³⁵ Elyo tula bona mukati awa, kuti Leza waka tupa cifwanikiso ca cintucimwi. Ndi yanda kusola kuleta cifoto eci kumbele lyesu, mbuli Mbwe mvwisya kuti inga caba ciindi camamanino eco bamwi besu ncoba kasola kuswaangana antoomwe. Ndiza tatu kabonani umwi aumwi alubo mbuli mbo tubede eno. Nkikaako, ikuti na twa bungana ku bukanze obu, kutali kubonwa na kumvugwa . . .

³⁶ Pele twa kali jisi luswaanano lwesu kuli umwi aumwi mbuli mbo twa bamba cilyo eci cibotu loko sunumasiku, atala lya

tafule, mbuli mbo tu sanizya mibili yesu ya kunyama, elyo eno tu yanda Leza kusanizya buntu bwesu aa Mana Aakwe ayo akasiswa. Kwa bapaizi biyo abo baka njila mu Busena busalalisya mboba kazumizigwa kulya Cakulya Cakwe.

³⁷ Elyo ikuti na twa langa, sunumasiku, intuli yesu—yesu, Nse syomi kuti Nda kasola kuba ii—ii cipobwe nekubaboo, mu masena oonse Nkwe ba amiswaangano, mbuli sunumasiku, kuti Ndali kulya ntuli mbotu mbuli mbo babamba sunumasiku. Lino, nywebo mwabona, nkaambo kakuti twa keelede kuba a ceeei; ikuti na twa pona, cintucimwi ca keelede kufwa kutegwa tu konzye kubotelwa ciindi eci ca luswaanano, a kweendelezya maumi esu akwalo.

³⁸ Nda kali kwaambaula ku muntu oyo wakali kulya zisyu mani, kutali ciindi cilamfu cakainda, elyo wa kati kuli ndime, “Ee, Nse—Nse zuminani a nduwe.” Ee, wa—wa kabaanga wandipa lugwalo, wakali kuyanda kundi swaana cakumbali. Elyo wa kati, “Mukwesu Branham, lyoonse Ndi ku langanya mbuli muntu uusalala.” Wa kati, “Pele cindi ni Nda kakumvwa kwaamba kuti waka jisi hamu a maji ku kalimbabula,” kati, “eco—eco caka ndiselemuna.”

³⁹ Ee, kuti, inga Nse bikka cilebyo ku nzila yakwe. Lino, eyo nje nzila yakwe ya kusyoma. Pele Nda kati, “Ee, munene, ikuti na Nse lyi, Nse poni.”

⁴⁰ Wa kati, “Pele, nywebo mwabona, mwa kacita kulya ngulube, a—a kujaya nkuku.”

⁴¹ Nda kati, “Munene, tu ponena buyo ku zintu zifwide. Nse kwe ndaba eco neolya. Ula lya mani. Ula lya. Ula lya cinkwa, whiiti yakafwa. Ikuti na walya mapopwe, mapopwe akafwa. Ikuti na walya bunyangu, bunyangu bwakafwa.”

⁴² Kufumbwa cintu ncolya, ukonzya buyo kupona cakunyama nkaambo cintucimwi cakafwa eco nco konzya kupona. Lino, kufumbwa nco cita, nokuba kunywa mukupa, mabbakitiliya, kufumbwa, weelete kuponena ku zintu zifwide. Elyo ciinka biyo kutondezya, ikuti na tweedele kupona buumi obu bwakunyama, alimwi kukonzya buyo kucicita kwiinda ku zintu zifwide, cintucimwi caka cita kufwa kutegwa tukonzye kupona Cabutamani. Oyo ngu Jesu Kristo, Leza ngwa katupa mbuli caku nunuzya.

⁴³ Elyo lino, cindi ni Nda kasanguna kuswaana a bantu ba Pentekoste, Nda—Nda kainka ku California, kusangana buyo cisi okuno, mutala amulonga. Alimwi Nda kali ku Los Angeles. Nse kalina pona mu mazuba a mukutausi oyu wampuwo mulindu, Muka. Semple...Aimee Semple McPherson. Nda kacita kuswaana mwana wakwe mulombe, Rolf, mulombwana mubotu Munakristo, a—a mukaintu wakwe a mukwasyi wakwe. Mbantu baboteleyza ncobeni, a Dr. Teeford a a babelesi banji ku Templele lyaku Angelus. Elyo Nda kakambauka Jubbili

ya Pentekoste, Jubbili ili makumi osanwe okuya, kwa myaka misyoonto, alimwi nconzyo kajisi ciindi cibotu kapati.

⁴⁴ Aboobo mu kulemeka oyu mwanakazi wakapa mukozyano mbuli ngwa kacita, wa kusoleka kwakwe nkvakali kukonzya, a ku—ku tuula eco cakali mu moyo wakwe, Nda kapa kulumba kuli nguwe kwinka ku cuumbwe cakwe kutala ku Forest Lawn. Alimwi mbuli Mbwe kaimikila okuya a ngowani yangu kisamumwidwe, a—a kukotamika mutwe wangu a kupa kulumba kuli Leza ku buumi bulemekwa bwa musimbi oyu muniini, Nda kalombwa mpawo a nkamu Nje kali anjiyo, bbunga lya bakutausi, kuti Nke tola lweendo kwinda mu i...moonse mu Forest Lawn. Elyo mukati ka mocali omuya, na kufumbwa mbomu kwiita, Nda kali kulanga kubambwa kwandene, a kubona Cilalilo ca Mwami, a kukkanala. Bunji bwantu mwa kacibona, cindi niba kabikka mimuni ali ncico, Cilalilo Camamanino, a kumvwa kaano ka ncico.

⁴⁵ Pele cimwi ca zintu zibotu kapati eco Nce kabona okuya, wakali mbuli mbo njila mulyango, Nda syoma inga caba ku lubazu lwakujwe. Kwakali ii—ii cibumbwa ca Musa caka kkede alya, oyo wakali mulimo wa buumi iwa Michelangelo, Nda syoma mbo cakabede, mubumbi kuti... Inga ndaba uulubide mu muntu, Nda syoma eco cililuleme, Michelangelo, oyo—oyo... mubumbi mupati wakabumba obu, na, cinkozya ca Musa. Elyo mbuli mbwa kali ku cipandulula, i—i mweenzyi oyo wakali ku twiinzya mo, wa kati oyo wakali umwi wa zipange zipati maningi ezyo Michelangelo nzya kasola kubumba. Elyo kati cakatola buumi bwakwe bunji, mulimo muyumu.

⁴⁶ Mpawo Nda kaziba, Nda syoma mbo cakabede, aa gondo lya lulyo. I cibumbwa caka boneka kulondoka, kabotu, alimwi Musa a tafule lya milao mu janza lyakwe, alimwi cilezu cakwe cilamfu. Elyo cakali, mubwini, muzeezo wakuyeyea wa Michelangelo, obo Musa mbwa keelede kuboneka. Antela takalina bwene cifwanikiso, pele, mu mizeezo yakwe mwini, wa katondezya obo mbwa kayeeya kuti Musa mbwa keelede kuboneka.

⁴⁷ Elyo kaano kaunka, mbwa kamanina buyo i—i cibumbwa kucimanizya, nkabela konse kucumbwa akulondoka, wa kaima kusule ku kubona mulimo wakwe. Elyo cindi na kananikwa loko, mane wa kacilanga loko... Eco nca kajisi mu mizeezo yakwe, nca kapanga ku maanza akwe. Ca kaboneka loko mbuli ncico, elyo yoonse myaka nja kali kulindila ali ncico, mane wa kabwezegwa loko ku bunanike, waka uuma aa mazwi a koompolola, "Kanana!" Elyo kuli kabeela katyokede atala i—i—i kuulu, agondo lya Musa, oko Michelangelo nkwa kauma a nsando yakwe, nkambo wa kali nanikidwe loko.

⁴⁸ Mwabona, kwakali cintucimwi mukati kakwe, ku matalikilo, cakuti wakajana ciimo camizeezo obo mbwakali kuyeyelya kuti Musa mbwakali kulibonya. Elyo cindi na

kabona eco cakatondezegwa kumbele lyakwe, cintu nciconya eco nca kajisi mu mizeezo yakwe, eco ncakali kuyeeya kuti Musa mbwa keelede kuboneka; akutolelela eco cilengaano kwa myaka a myaka yoonse, mbuli mbwa kabweza cibeela cipati ca bbwe jumu, a kupandula kabeela awa a kabeela alya, akuli gwala, kuci citya kulondoka. Elyo cindi nakalondolwa kumbele lyakwe, wa—wa kabona kutondezegwa kwa ceeco cakali mu mizeezo yakwe. Eco ncencico caka munanika boobo, kuumma cinkozya, a koompolola, “Kanana!” Yoonse myaka yakwe yakupengaana yaka mujanya coolwe. Mulimo wa maanza akwe waka manizigwa.

⁴⁹ Lino tula bona eco, alimwi Nda—Nda kananikwa a ncico, nkaambo Nda kayeeya kuti, kasimpe, i caando ku kuulu, eco caka cibamba, kuli ndime, cipange cilondo. Nkaambo, buyo, ikuti na cakali ncinkozya cimbi, na cintucimwi ca Musa, musyobo umwi wa cikozyano eco muntu umwi nca kajisi mu mizeezo. Pele, muntu wakali kucita mulimo, caka mukkutya loko kusikila wa kacuumma. Elyo caando ali ncico caka cibamba cipange cilondo kuli ndime, nkaambo caka tondezya cakulondoka eco cakali mu mizeezo yakwe kuti Musa wakeelede kuboneka.

⁵⁰ Oh, Nda kaima awo. Nda kacita kutantamuka kwa maminiti masyoonto, kuyeeya zya—zya ceeco ca keelede kwaamba kuli nguwe, a—a ceeco nco cakali kwaamba kuli ndime ku ciindi eco. Mpawo caka boola ku mizeezo yangu, ca ceeci nce Ndi yanda kukanana kuli ndinywe kujatikizya.

⁵¹ Atu jule lino miyeeyo yesu kuzwa kuli Michelangelo, ku Mubumbi mupati, Leza Singuzuzyonse, Walo, ku matalikilo, kakutanaba buzuba na bucedo bwa buzuba, kakutanaba atomu na molekyu, Leza, mu mizeezo Yakwe, waka jisi muntu, obo muntu mbwa elede kuboneka, obo mbwa keelede kuba, a boobo mbwaelede kulilemeka boobo. Elyo Wa kali kuyanda muntu oyo kuba cibeela Cakwe, “Aboobo Wa kapanga muntu mu cinkozya Cakwe mwini, alimwi mu bukozyanye bwa Leza mbwa kalenga Walo muntu,” oh, cindi Leza, ku matalikilo, kabamba cipange eci cilondo, cintucimwi eco cakatondezya miyeeyo Yakwe.

⁵² Amuyeeye, kuli buyo musyobo omwe wa Buumi Butamani, a zyesu...neiba mazina esu a miyeeyo yesu yakali antoomwe a Leza kuzwa ku malengelo aa inyika. Nkaambo eno tu jisi Buumi Butamani. Alimwi kuba eco, tweelede kuba cibeela ca Leza. Aboobo inga twaba mbubonya mu miyeeyo Yakwe, nkaambo tu jisi Buumi Butamani, alimwi twa kakanzilwa buumi obu. “Elyo mazina esu aka bikkwa mu Bbuku lya Buumi ilya Mwanaambelele kuzwa ku malengelo aa inyika,” kweendelana ku Ciybunuzyo. Lino, kuti Leza wakali tujisi mu kuyeeya Kwakwe, mpawo tu jisi Buumi Butamani, nkaambo mpawo Wa ka tukanana, nkabela twa kaboola kuba. Elyo ijwi muyeeeyo

buyo wayubululwa. Leza wakali tu jisi, ku matalikilo, mu miyeeyo Yakwe.

⁵³ Lino, elyo cindi Na kapanga Adamu, oyo muntu mutaanzi, obo mbo caka londokede. Wa kaboneka mbuli Leza. Leza, Muuya Uusalala mulemu, kaukumba atala lya nyika, alimwi Wa... bayuni bakazwa, ndiza, a banyama, zintu zyandeene, a kuzumanana kuboola maningi mu ciimo ca Umwi oyo wakali kukumba. Kusikila, kumalekelo, kwa kayutuka musyobo mbubonya buyo mbuli Umwi oyo wakali kukumba, Leza. Leza mbwakabede, na, muntu wakapangwa mu cinkozya ca Leza. Mpawo, cindi Na kamubikka mu muunda oyu mupati, mbuli Michelangelo mbwa kabikka mulimo wa buumi bwakwe bupati, a babumbi boonse batapi, Leza wakabikka mulimo Wakwe mu muunda wa Edeni, kamupangila mugwasyi. Ino i—i—i kukkutila kumaninide kwakali kuli Leza, mane akwalo Wa kalyookezya. Kwa kali buyo kupumuna. Mulimo Wakwe waka manizigwa.

Mpawo kaano ka buusu kaboola, ika sinkondo.

⁵⁴ Lino amubone. Eci cintu comwe Nce yanda kuti mubikke mu mizeeo, ncakuti Leza wakapa oyu muntu bukwabilizi. Wa kamupa... Wa kamukwabilila mukati ka Ijwi Lyakwe, nkaambo Wa kabaambila eco ncobakali kukonzya kucita, eco nciba takali kukonzya kucita.

⁵⁵ Alimwi eyo nje nzila mbo tubikkidwe asunu, eco nco tukonzya kucita, eco nco tuta konzyi kucita. Takukwe makani obo mbo tuli babotu, obo kunji nko twiinka ku cikombelo, na kucita eci, twe elede kuyalululwa. Mwabona? Ci leelede kuba.

⁵⁶ Elyo Leza wakaambila Adamu eco ncakali kukonzya kucita a ceeco nca takali kukonzya kucita. Wa kamubikka kunze lya Ijwi Lyakwe.

⁵⁷ Elyo mpawo sinkondo wakanjila, kwiinda ku lweeno, a kuyavula kwiinda mu malambo aa Ijwi lya Leza, nkaambo mulyango waka julwa kuli nguwe, alimwi wa kabisya eco cinkozya, ku cibi. Ako nkwanwi ka twaanoo twakuusa kapati.

⁵⁸ Ku yeeya, kuti muntu oyo wakapangwa mu cinkozya ca Mulengi wakwe, alimwi waka pegwa bulambo bwa kwiima kunze, cakuti Ijwi eelyo tiilya kakonzya kukakilwa. Obo—obo mbulangizi bwa Bunakristo. Ni ntobo yakwe—yakwe. Calo ncikwabilizyo cakwe. Walo mwaala wakwe sunu, ngu, kukkala kunze lya Ijwi; musyomi oonse.

⁵⁹ Lino, ta mweelede kuzwa kunze lya Ceeco. Cindi wacita, yebo, uli mukujula mulyango kuli sinkondo, cindi baamba kuti, “Oh, ee, inga wacita kuniini kwa *ceeci*, a kusyoonto kwa *ceeco*.” Leza uyanda kuti uli pambule kuzwa ku zintuzyonse zya kaitwa cibi. Kubikkwa ambali cakumaninina nkambo ka Nguwe, alimwi kuli Walo biyo.

⁶⁰ Uli jisi bukanze mu buumi bwako, mugame aumwi, kuti taakwe umbi ku busyu bwa nyika ukonzya kubweza busena bwako. Leza ujisi cintucimwi cako. Uli pangidwe mbuli boobo. Wa kacitwa nzila eyo ku bukanze. Leza ulalyeendelezya mu mulimo Wakwe. Walo akwalo... Zintu zyandeene. Tula andeene, umwi kuzwa kuli umbi.

⁶¹ Tula bona mu buumi bwa cinyama. Tu jana kuti, mu buumi bwa munyama, kuli munyama omwe, Leza wakapanga cinyama ca mukuli, mbuli mbizi, alimwi—alimwi we elede kubeleka. Elyo ng'ombe ncituuzyo. Elyo, pele, i—i mulavu a mwaaba bala vulumu mu cisaka kakutakwe kupengana na cili conse. Wa kapanga munyama mupati ncobeni mbuli muzovu, elyo mpawo wakabambwa kuba muntu muniini loko mbuli mbeba. Lino, nguni we okuya ku kwaambil Leza eco cakucita a nzila ya kucicita? Ula cicita mu nzila Yakwe Mwini.

⁶² Alimwi Ula panga malundu. Ula panga nkanda. Ula panga i—i maziba mapati. Ula panga nkwaalale. Ula panga musyobo umwi wa samu, cisamu ciyumu, capalumu, a—a zimwi zimbi. Ula cicita.

⁶³ Ula bamba bantu bwandeene. Ula tupa, umwi aumwi, busena bwandeene. Alimwi samu lya palumu tali konzyi kuba lya hikori. A samu lya hikori tali konzyi kuba lya palumu. Taakwe ukonzya kubweza busena bwako, alimwi toeleda kusola kutola busena bwa muntu umbi. Nkaambo, uli mugame, kuli Leza, alimwi Leza ujisi bukanze bwako. Wa ka kubamba boobu. Yebo watii, “Nkaambonzi Nca kacicita?” Ngu sikulyeendelezya. Uli jisi kaambo ka ncico kuba nzila eyo.

Pele tu jana kuti toonse twa kali kwabilidwe ku Ijwi.

⁶⁴ Ku julu, tu langa mibili ya yakujulu. I Bbaibbele lyaambla kuti ayalo nyenyezi yomwe yandeene kuzwa kuli imbi. Kuli ma Siriasi aamwi andeene. Alimwi Marasi a Jupita, azyonse ezyo zyandeene, zi liindene kuli cimwi acimwi. I zuba lilandeene kuzwa ku mweezi, a mweezi kuzwa ku nyenyezi. Elyo mbaabo Baangelo, mbuli ceeci, kuli ba Serafimu a Kerabimu, a Baangelo a Baangelo bapati, mu—mu madigrii. Elyo akwalo mu inyika mpya iciza, bami ba nyika balete lulemeko lwabo mu munzi.

⁶⁵ Tu yooba booboo lyoonse. Nkaambo, Leza tali Sears a Roebuck Harmony House. Walo ngu Leza wa misyobo yandeene. Ula mubamba umwi nzila imwi, a umbi ili bumbi. Pele tweeleda ku Mu belekela mu nzila eyo Leza nja ka tubamba, a kubotelwa, a kukkanla kunze lya Ijwi Lyakwe. Elyo njie nzila Leza mbwa kacicita.

⁶⁶ Pele cindi ni twa kajana kuti sinkondo wa kanjila mu Ijwi eelyo, kuli oyu, mulimo wa maanza a Leza, wa ka cibisya. Elyo nce ncico ncobeni ncali mukucita lino. Ula sobeleta mu mulimo oyo wa maanza, sinkondo ulacita, kasola kutubamba kuba Kkanso ya Mambungano Aanyika yonse. Elyo bantu bala...

Nkaambonzi, bantu abalo taba zuminani, mbobuti mbo tuyu kubamba inyika yoonse kuzuminana a bantu? Elyo mbo citila buyo eco...

⁶⁷ Tu jisi Omwe ngo tweede kubikka mu lumvwano, ngu Leza. "Elyo ku matalikilo kwakali Ijwi, alimwi Ijwi lyakali antoomwe a Leza, nkabela Ijwi wakali Leza" Elyo Ijwi licili Leza, alimwi lyoonse liyooba Leza, nkaambo Leza uli mu Ijwi. "Elyo Ijwi lyakaba mu mibili wabuntu a kukkala akati kesu," mu ciimo ca Muntu wa Mwana wa Leza.

⁶⁸ Lino tu jana, kuti, Na kamana kujana eci cipati kubija, kulibonya mbuli, na kali nduwe a ndime, elyo nitwa kabikka ciindi eco conse a nguzu, ni twa katanda cintu a kucilekela buyo kuunka, pele, kutali Leza, Ta kali kuyanda kulekela mulimo Wakwe kuunka kuyo nyonyooka. Olo nduyandisyo lwa Leza. Ta cigambyi sikweema ncakati:

Sa inga twaba a inki lwizi kaluzwide,
Alimwi milengalenga yakapangwa kuba
cilembelo;
Elyo cikuba coonse kuba cilembyo camulimba,
Alimwi muntu aumwi kuba mulembi ku ncito;
Lemba luyandisyo lwa Leza atala
Inga kwapa kuyuminina kwa lwizi;
Na kukonzya kuzuzya pepa damfu lyonse,
Nekubakuti alandanmunwa kuzwa ku
mulengalenga kusikaku mulengalenga.

⁶⁹ Mwabona luyandisyo lwa Leza! Muntu naka mana kuwa a canguzu kujula mulyango kuli sinkondo, akunjila a ku mubisya, a kubika lufu muli nguwe, nekubaboobo Leza takali kuyanda eci kuzundwa. Wa kaseluka ansi akutalika conse alubo. Wa kali kuyo lenga oyo muntu alubo.

⁷⁰ Wa kabikka Adamu ku cipangano, "Kocita *ceeci*, a kutali *ceeci; ceeći*, a kutali *ceeco*; utaka gumi, taka jati, taka labili."

⁷¹ Pele tu jana kuti, cindi Na katalika alubo, Wa katalika a— a Abrahamu. Elyo muli Abrahamu, Wa kamutalisya cipangano cata kajisi zyeelelo. Kutali "ikuti na uyo cita." "Nda kacita. Nda kacicita kale. Nda kulongezya, yebo a lunyungu lwako, azimwi zimbi, kuzwa kuli nduwe." Cakali cipangano citakwe zyeelelo. Wa katalika a Abrahamu, mulimo Wakwe alubo, elyo lino a cipangano Cakwe citakwe zyeelelo. Mpawo, cindi twa ziba, Wa kayaama ali Abrahamu a kumupa cipangano, cata kajisi zyeelelo, ku cisymezyo.

⁷² Mpawo Wa kaboola kuli basikale, twa katobela, mu Cizuminano Cakale, mbuli mbo tuyu kumusanza. Ngooyu Wa katondezya ntalisyo ya mulimo Wakwe. Lino tuli jisi Abrahamu, Izaka, Jakobo, Josefa; basikale bone.

⁷³ Lino, Abrahamu wakaiminina lusyomo kuti lubeleke, lusyomo, nkaambo Abrahamu wakali lusyomo. Wa kajisi

lusyomo lupati, nkaambo, "Ta kazungaana aa cisyomezyo ca Leza, kwiinda mu kutasyoma." Cindi, inga twati, "kapapu kali ansi," alimwi zintuzyonse kazimu lwana, wa kacili jatilide kuli Leza.

⁷⁴ Mpawo tuli jisi Izaka, oyo wakali mwana uuyandwa, oyo wakaiminina luyandisyo, nkaambo, Abrahamu mukuba cikozyanyo ca Leza, mbuli Izaka mbwa katuula, Matalikilo 22, tu jana cuti wa kabweza nkuni kutala lya cilundu, a zintuzyonse zyakatondezya Kristo, zyakali kutondezya kumbele. Elyo mpawo mugutu wa mbelele wakasika alimwi wakatuulwa mu busena bwakwe.

Lino olo lwakali lusyomo, luyandisyo.

⁷⁵ Elyo *Jakobo*, oyo caamba "mumpelenge," nkabela oyo ngu silweeno. Elyo tula mvwisya cuti buumi bwa Jakobo bwakaiminina luzyalo ncobeni, nkaambo lwakali luzyalo lwa Leza, ciindi coonse, a Jakobo.

⁷⁶ Mpawo kwakasika Josefa. Taakwe kulwana Josefa. Wa kali umwi ulondokede. Musinsimi wa Leza oyo wakayutuka akati ka babunyina. Elyo kasulaika, kaatakwe kaambo, alimwi waka sambalwa. Elyo mu nzila zyoonse, buumi bwakwe bwakali kutondeka kumbele ku buumi bwa Jesu Kristo. "Kaboola kuli Bakwe beni, Bakwe beni tii baka Mu tambula." Mbuli Josefa mbwa kasulaikwa a babunyina, kasowelwa mu dindi, kayeeyelwa kufwa; ka gusigwa, kasumpulwa ku janza lyalulyo lwa Farao. Elyo cindi nakazwa mu cuuno cabwami, baka lizya mweembo, kuziba, mazwi oonse akacita kufugama, a kuli Josefa.

⁷⁷ Tu jana cuti Jesu wakali aafwi kusambalwa ku muulo nguonya Josefa mbwakabede. Wakaletwa aatala kuzwa i—kuzwa mu mulindi; a kutanta kuya ku Julu; kakkala ku janza lyalulyo lya Leza. Elyo cindi A zwa ku Busena obo, "I mweembo uyo lila, nkabela mazwi oonse ayo fugama, a milaka yoonse iyoamba kuli Nguwe," bulondosi.

Olo lwakali lusyomo, luyandisyo, luzyalo, a bulondosi.

⁷⁸ Mpawo mubili ulabeleka kusika, ku cibumbwa eci cipati. Wa kapanga mubili kubeleka kwiinda ku basinsimi. I basinsimi bakali mulimo wa mubili.

⁷⁹ Mpawo kumalekelo kwaka boola mutwe wa mubili oyu mupati, oyo wakali Kristo Mwini. Bonse basinsimi bakaamba Nguwe kumbele. Onse mulimo wantalisyo wakaamba Nguwe kumbele. Lweendo loonse kuzwa ku muunda wa Edeni, kuzwa kuciindi neiconya eco Nca katalika, "Njo bikka nkondo akati ka lunyungu lwako a lunyungu lwa nzoka." Elyo tu jana cuti Wa katalika okuya, a kulibonya kwiinda mu i—i basikale mu basinsimi, a kuzwa okuya. Lomwe alubo Wa kabona kutondezegwa Kwakwe mwini, cindi muntu omwe nakazyalwa aa nyika, kuzwa mwida lya mwanakazi, eco cakali Cipange

cilondo ca Leza. Wa kali Mwana wa Leza, Jesu Kristo. I kaambo Nca kabede, nkaambo Wa kali Ijwi lilondokede.

⁸⁰ “Ku matalikilo kwakali Ijwi, a Ijwi lyakali antoomwe a Leza, nkabela Ijwi wakali Leza. Elyo Ijwi lyakaba mubili wabuntu a kukkanala akati kesu.”

⁸¹ Lino tula bona kutondezegwa muli Nguwe cipange cilondo cimaninide. Wa kali londokede loko, mbuli Leza, kusikila Wa kati, “Ikuti na Nse citi milimo ya Taata Wangu, muta Ndi syomi. Nekubakuti Nda . . . Tamu konzyi ku Ndi syoma na? Amusyome milimo, nkambo ila lungulula kuli ndinywe, Obo Mbwe bede.” Nda ciyanda eco. Mwabona? Wa kati, “Ikuti na tamu Ndi syomi . . .”

Ba kati, “Uli Muntu, kalibamba Lwako kweelana kuli Leza.”

⁸² Wa kati, “Ikuti na tamu konzyi ku Ndi syoma, amusyome milimo eyo Nje cita. Elyo ikuti na Nse citi milimo Yakwe eyo njaka Ndi tumina, nkokuti tamu jisi nguzu zya ku Ndi syoma.”

⁸³ Aboobo Munakristo aumwi mbwaelede, sunu, kuba a bumboni mbubonya. Ikuti mu Ijwi eli lya kasyomezegwa ilya Leza, ikuti na maumi esu taeleli akukkwanya mbubonya obo Ijwi ncolya kaamba nko kuti ta tujisi nguzu zya kuliita tobени kuti tuli Banakristo na tii twa kazyalululwa. Jesu wakati, muli Marko 16, “Ezi zitondezyo ziyo batobela abo basyoma.” Mwabona? Kutali, “balo ndiza; balo beelede; abalo antela bayocita.” Bayo cicita. Oyo ngo Mubumbi waka tubamba. Eyo ni Mbungano yaka kolomonwa. Oyo i—oyo Mubili wa Kristo.

⁸⁴ Lino tu jana kuti caka Mu tondezya cakulondoka. I Mubumbi lino waka jisi Ijwi lyaka tondezegwa mu Cipange cilondo alubo, uutegwa Mwana Wakwe, Leza, Emanueli. Amuyeeye buyo, kuti, muntu ulipede loko kusikila Leza wakalizibya Mwini omuya, mu mubili oyo, alimwi Wa kaba . . . Walo a Leza bakaba bomwe. “Mebo a Taata Wangu tuli Bomwe. Taata Wangu ukkala muli Ndime. Ndi cita eco lyoonse cibotezya Taata.”

⁸⁵ Ino kuti Munakristo sunu inga waba a bumboni mbuli obo? Inga waba cipange cilondo nkoonya okuno mu Yuma, aa kagwagwa. IKuti na uli mwanakazi ubeleka kusanzya zisami okuya kunze lya taabbu lya kuwashila, ucili cipange ca Leza cilondo, cindi wakonzya kwaamba kuti, “Ndi cita eco lyoonse cibotezya Leza,” alimwi nyika yoonse inga ya bona i—i mulimo wa Jesu Kristo kautondezya muli ndinywe.

⁸⁶ Ca kaambwa, ciindi cimwi, ngolide yakaindi, kabatanaba cibelesyo ca kunyebulwida lubulo. I . . . Ba kali kubweza ngolide a kwionda, sikoonda wakali kucita, bama India mu mazuba mataanzi cindi Arizona nicakali mu bukususyi bwancico. Ba kali koonda ngolide kusikila sikoonda wakabona kutondezegwa kwakwe mwini mu ngolide. Ba kali koonda kugwisya onse mankwishita a butale, makanci, tombe, kuzwa kuli nguwo,

kusikila sikoonda wakali kukonzya kubona kutondezegwa kwakwe mwini mu ciboniboni, mu koonda.

⁸⁷ Lino, obo mbwa cita Makanimabotu. Aboobo bantu banji taba yandi kunyonwa akoondwa. Ee, eco mbungano ncoi yandikana sunumasiku nkoondwa kubotu, kwa ciyanda, cakaindi, ca Muuya Uusalala, kuzwa ku inyika a zintu zya inyika. Eco ncencico Pentekoste ncoi yandikana sunumasiku. Eco nce cintu nkamu zyesu nco ziyandikana sunumasiku, nkoondwa kubotu, kwa ciyanda cakaindi, koonda kunyonauna ngolide, kusikila inyika yoonse yazundwa kuzwa kuli ndiswe, nkabela Jesu Kristo watondezegwa.

⁸⁸ Andi be aa bantu basyoonto aba omuno sunumasiku, kulanganisigwa cakumaninina kuli Kristo, a maumi abo batuulidwe kuli Kristo. Inga ndacita kunji aku kkwana mu maanza aya, na Leza inga wacita kunji, mubwini, a bantu aba basyoonto awa, kwiinda mbo mukonzya kucita a Kkanso yoonse ya Mambungano, kuya ku Bwami bwa Leza. Muntu omwe wakalipa mu maanza Akwe cabuzule, nkukoonse oko Leza nkwayanda.

⁸⁹ Pele, nywebo mwabona, ta tuli bambilide kulala zii a ku Mu lekela kuuma lubazu *olu*, lubazu *olo*, kuuma *oku*, kuuma *eci*, kuuma kugusya *oyu* muzeezo, a *oyo*, akulekela Jesu Kristo kutondezegwa muli ndiswe. Tu bona zipekupeku zinji maningi. Tu jisi matelevizhion manji. Tu jisi kunji loko kwa zyanyika, kusikila mbungano ya sweekelwa kuyandisa kwayo ku bantu. Nku kaambo kakuti Muuya Uusalala ulazwa, nkabela cintucimwi cimbi canjila. Mbo mbubo, beenzuma.

⁹⁰ Ndila mvwa bumbomi, bana Pentekost baciyanza cakaindi, obo mbo baka jisi miswaangano ya mipailo masiku onse. Bamatata a bamamama, myaka ili makumi one, makumi osanwe yakainda, amukombe busiku boonse. I bantu baka basulaika, mu kagwagwa. Elyo tula yeeya, sunu, ikuti na bantu boonse taba tubuwibuwi aa kkuko, baa, kuli cintu cimwi cilubide a ndiswe. “Maawe kuli ndinywe cindi bantu boonse bano mwaamba kabotu.” Wa kasampaulwa a kukakwa ku bantu, alimwi tuli cinkozoya Cakwe. Ameni.

⁹¹ Eco nco tu yandikana sunu miswaangano, ini ya mipailo, kusalazywa kumwi, nzila yoonse kuzwa ku cikambaukilo kusika kuli sikulanga mayake, ng’anda yoonse yeelede kusalazigwa, aa Leza, kuuma, kutondezya Cinkozoya ca Sikoonda, Makanimabotu aka kambaukwa mu nguzu zya bubuke bwa Kristo. Mbo mbubo.

⁹² Aya makani masyoonto abuleya ngo tujisi, a kuumauma *oyu* umwi ku ciwezo, akubamba *oyu* umwi kuba daikona, alimwi *oyo* mwaalu omwe, na cintucimwi cimbi mbuli ceeco, tunzenyu tobile. Sa eco ncencico cakacitika mu Nicaea, Rome? Tu yanda

kuzwa ku zintu ezyo. Methodisti, ba Baptisti, Presbyteria, ba Pentekoste, a boonse, tweede kuzwa kuli eco.

⁹³ Tunzenyu tatu zulilili mu Mbungano. I Muuya Uusalala ngwa kweendlezya Mbungano, kutali kuvoota kwa tunzenyu kuti nguni oyo kububambe. "Leza wakabikka mu mbungano bamwi baapostolo, basinsimi bamwi, a bamayi bamwi, a bavangeli, a beembeli." Kutali bantu baka bavwotela omuya. Leza waka babikka omuya, kwiinda ku kwiita kwa Muuya Uusalala, miswaangano ya mipailo, a kubikka maanza, a kukkala kumbele lya Leza.

⁹⁴ Pele, sunu, twa bamba bukombi bwesu kuba bwa kulibotezya ku busena mane butandila mbuli tunzenyu, bwalo, tula tucita mu tubungwe twesu toonse. Tuli... Umwi takonzyi kutondeka umwi umbi. Tonse tujisi mulandu. Omuya tu jana baalumi beni a banakazi beni. Pele penzi, eco Nce yeeya, tuya busika maningi i—ku lubazu lwa basyoonto, bantu beni abo bayanda kusyoma a kuyanda nguzu zya Leza. Kuli banji maningi baletwa mu kati kwinda ku mucito wa misaalo, "Ee, *oyu* muntu mubotu. Walo mulombwana uli kabotu."

⁹⁵ Tu jisi mambungano mabotu. Tu yaka zikombelo zibotu, a zikombelo zibotu loko kwinda nzo twa kajisi. Oko kuli kabotu. Taakwe cintu cakulwana ceeco. Ndila botelwa kubona mbungano kusumpuka.

⁹⁶ Pele, mukwesu, inga Nda sala kwiibona kaisumpuka mu nguzu zya Mwami kwiinda ku kuzwidilila mu zintu zya nyika. Amujokele ku Makanimabotu alubo! Amu jokele ku nguzu zya Leza! Amujokele ku pentekoste, i...mbuli citaanzi mbo cakabede. Pele, nywebo mwabona, penzi lya ncico ngu, ta tuyandi kubweza kuuma oko.

⁹⁷ Inga waamba cintucimwi kujatikizya cintucimwi, alimwi cintu cimwi cabwaamu mbungano ncoicita, na—na cintu cabuleya, mpoonya buyo bala kukaka, kujala milyango. To konzyi kunjila, mwabona, nkaambo bajisi muswaangano aku kusinkila. Taba tuyandi limbi. Ba lati, "Uli nyongene. Wa kanyongana mizeezo yako." Pele kufumbwa kuti ngu MBUBOOBU MBWAAMBA I MWAMI, eco tacikwe makani kuli ndime eco muntu uuli oonse ncaamba. Citola nguzu zya Kristo kucinca muntu. Ci tola nguzu zya Kristo kubamba muntu.

⁹⁸ Elyo mbuli Jesu mbwa kaamba ciindi cimwi, "Amuyeeye impana. Elyo nekubaboobo Nda mwaambilka kuti Solomoni, mu bulemu bwakwe boonse, tako sakatide mbuli imwi." Solomoni, mu bulemu bwakwe boonse, kwakali ii—ii kubonekela kulemu. Kwiina kuzumbaunya. Wa kali cintu cipati ku inyika, alimwi muntu mulemu kumbele lya Leza. Pele cikobela ca Solomoni tii caka jisi buumi muli ncico. Kakali kabeela ka mulembo, antela kakagelwa kuzwa kusule lya mbelele. Pele, impana yaka jisi buumi.

⁹⁹ Eco nco tu yandikana sunu Mbuumi bwa Kristo mukati kesu. Obo mbo busalazy; kutali aanze, kuli tukumuna, na digrii ya lwiyo lwakulilemeka kwamizeezo, na cintucimwi. Citola nguzu zya Kristo wakabuka ku tubamba mbo tweelede kuba. Leza tajisi makanze ambi kunze ly a kulekela Muuya Uusalala kwendelezya a kulela mu Mbungano.

¹⁰⁰ Oh, Leza, Wa kali muciimo loko mu cinkozya ca Leza, mane Walo a Leza bakaba Bomwe. “Mebo a Taata Wangu tulii Bomwe.” Oh, ma! Ino kwakali kupona, kuli Leza kupona loko muli Nguwe, kuti buumi Bwakwe boonse bwakali vungidwe muli Leza. Ta cigambyi cakali cipange cilondo!

Saatani wakasika kuli Nguwe.

¹⁰¹ Ciindi coonse Leza nakayeeya kuti Wa kajisi cipange cilondo, Saatani waka njila. Wa kanjila muli Musa, nkabela wa katyola milao. Pele cindi na kasika kuli eci Cipange cilondo, oko kwakali kusala kwa Leza mwini. Ameni. Wa ka—Wa kali Mu salidekale. Tii caka mugwasya. Wa kakkala cakusyomeka kuli Leza, cindi Leza naka Mu langa a kubona kuti Wa kasunkwa kwa mazuba ali makumi one mu nkanda, mbuli Musa. Mubwini, boonse abo bantu baka Mu yunikila. I mulao waka tyolwa. Pele cindi na kasika, Saatani, sikutepaula mupati, a kusola ku Mu sunka, wa kajana kuti ta kajana Musa okuya. Peepe, munene. Wa kauma mavooti amawati ali myaanda yosanwe akapambula mababa akwe cindi na kasotoka mujulu kuli Oyo.

¹⁰² “Kuli lembedwe,” Wa kaamba. Mwabona? Adamu wakatola aansi. Pele, Jesu, Adamu wabili, eco Cipange cilondo caka boola, nkambo ka Munununi, Wa kati, “Kuli lembedwe kuti, ‘Muntu taka poneni ku cinkwa cilikke, pele ku Ijwi lyoonse eelyo lizwa ku mulomo wa Leza.’” Mpaawo Wa kajisi Cipange cilondo. Iiyi, munene. Wa kaamba cintucimwi cimbi. Wa kati, “Kuli lembedwe akwalo kuti, ‘Uta sunki Mwami Leza wako.’ Koya okuno, Saatani.” Kwakali Cipange cilondo. Ncinzi Nca kacita?

¹⁰³ Kutali kwaamba, “Njo ambila mbungano yangu. Njo oba a baalu kucita *boobu-a-boobu*. I bishopo uyo cita *boobu-a-boobu*.”

¹⁰⁴ Wa kati, “Kuli lembedwe.” Nce ncico Nca kabikka Adamu Wakwe mutaanzi kunze, nkabela wa kawa, elyo Saatani waka cibisy. Pele ta kakonzya kubisya Oyu, takukwe makani eco ncakacita. Cakuti, nekuba wa . . .

¹⁰⁵ Leza wakati, “Oyu ngo Mwana Wangu uyandwa. Amu Mu swiilile. Zintuzyonse, Nda pa zyonse kuli Nguwe. Nywebo, amu Mu swiilile.” Ba kali Bomwe. Ba kali Umwi nguonya. Leza waka pona muli Nguwe, ku Mu bamba kuba Leza, Emanueli, aa nyika. Wa kali Kabelele uulondokede, oh, Cipange cilondo cimaninide ica lununuko. Ca kabotela Leza, mpawo, mbuli buyo Michelangelo, Wa kali nanikidwe loko a buumi Bwakwe. Tula jana mu . . .

¹⁰⁶ Ndi jisi Magwalo aalembedwe aaapepa awa. Marko 9:7, ikuti na muyanda kucibala. Cindi... Walo Mulundu wa Kusandulwa. Cindi Na kali atala lya Mulundu wa Kusanduka, tu jana kuti mpaawo kwa kabonekela Musa, alimwi mpaawo kwa kabonekela Eliya.

¹⁰⁷ Elyo mpaawo, cintu citaanzi nywebo mulizi, muapostolo Petro wakananikwa loko, mane wa kati, “Atu yake zikombelo zyotatwe awa. Tuyo panga buyo tubunga totatwe kuzwa kuli eci. Tuyo panga tubungwe totatwe: komwe ka Musa, komwe ka Eliya, a komwe Kako.”

¹⁰⁸ Kuciindi naka cili kukanana, mpaawo kwa kaboola jwi kuzwa mu kkumbi eelyo. Lya kati, “Oyu ngo Mwana Wangu uuyandwa. Ndili botedwe maningi a Nguwe, Ndiyo Mu uma nkambo ka ndinywe. Amu Mu swiilile. Uyo kanana.”

¹⁰⁹ “Wa kayaswa nkambo ka nsotoko zyesu. Wa kaumwa nkaambo ka mulandu wesu.” Wa kali Kabelele, Mwanaambelele wa Leza, Cituuzyo cilondokede. Taakwe muntu waka pona mbuli Nguwe, kwiina umwi kuzwa nakapona mbuli Nguwe. Wa kali Cipange cilondo cimandinide, keendelana a Ijwi lya Leza mbubonya.

¹¹⁰ Leza ku matalikilo wakapa Ijwi Lyakwe, caabilo ca cibeela eci ca ciindi, ca cibeela eco, ca cibeela eco.

¹¹¹ Mpaawo bantu mpo ba cengwa a kunyongana loko sunu. Ba sola kuyaka cintucimwi eco caka citika myaka ili makumi one, makumi osanwe yakainda. Tuli...Eco, eco caka pedwa bukkalo obo.

¹¹² Ino mbubotu nzi mbo cakalino citila Musa kuboola a—a mulumbe wa Enoki? Ino mbubotu nzi mbo cakalino citila Musa kuboola a—a mulumbe wa Nowa? Ino mbubotu nzi mbo cakalino citila Jesu kuboola a—a mulumbe wa Musa? Mwabona? Elyo ino mbubotu nzi mbo cakalino citila Wesley kuboola a mulumbe wa Luther? Ino mbubotu nzi mbo cakalino citila Pentekoste kuboola a mulumbe wa Wesley? Mwabona eco nce Ndi pandulula?

¹¹³ Konse kwa kabikilwa cibeela awa mu Bbaibbele, alimwi tweede kuziba bukkala a oora, a ca ndiswe. Elyo mpaawo mpo tukakilwa sunu. Tu bala zintuzyonse zimbi cita Bbaibbele. Obu mbo buzuba mbo tweede kupona. Obu mbo buzuba obo Leza mbwa tubikka awa. Atu lange mu Ijwi.

¹¹⁴ Eyo nje nzila mbo baka kakilwa kubona Jesu; abo ba Farisi, a ba Saduki, bana Heroda. I tubunga twandeene twa buzuba obo twa kacibambide loko, akubambwa loko cakumaninina, kwakanyina nzila yakutijila, ba kayeeya. Pele cindi Na kasika, Wa kali ncobeni... Wa kaliimpene kuli boonse babo baka ciyeeya. Wa kali Mulombwana, muniini mubombe wakazyalwa mu cilido cabanyama, a ii... yeeyelwa kuba Mwana wamusokwe, a zintu ezi zyoonse mbuli ezyo.

¹¹⁵ Pele, nekubaboo, Wa kaboola mbubonya nzila Lugwalo mbolwa kaamba kuti Uyo boola. Alimwi bakali zibide kuli ceeco Musa nca kaamba, alimwi Musa wa kaamba Nguwe. Wa kati, “Ee, ikuti nimwa kamuziba Musa, ni mwaka Ndi ziba. Musa waka kanana Ndime.” Elyo nekubaboo tiiba kakonzya kucibona. Ba kapilingene maningi mu tunsiyansiya twabo, kusikila tiiba kakonzya kucibona. Pele, nywebo mwabona, Ta kaboola kutondezya tubunga twa buzuba obo. Ta kaboola kutondezya bukombi bunji twandeene bwamipampo pampo.

¹¹⁶ Wa kaboola kutondezya Taata, alimwi Taata wakali Ijwi. Ameni. Lino Nda limvwa cabukombi loko. Wa kaboola kutondezya Ijwi lya Taata. Leza wakati Uyo obako, elyo ngooyo Mbwa kabede, Cipange cilondo cimandinide ica mulimo mupati wa janza lya Leza. Oh, ma! Wa kali kutondezegwa kulondokede kwa Nguwe. Wa katondezya zintu zyoonse ezyo—ezyo Leza nzya kaamba. Wa katondezya eco Adamu nca kaamba kujatikizya Nguwe. Wa katondezya makani onse basinsimi ngoba kaamba, makani onse basikale ngoba kaamba. Zintu zyoonse ezyo Nzya kaamba, Wa kali kuzulizigwa kwa Ijwi. Zyoonse zikozyanyo zyaka zulizigwa muli Nguwe. Inzya. Wa kaba Jehova wa Cizuminano Cipy. Wa kali Jehova wa Cizuminano Cakale. “I Ijwi kaindi,” oyo wakali mu Musumpululu wa Mulilo, “waka tondezegwa a kukkala akati kesu.” Jehova wa Cizuminano Cakale wakaba Jesu wa Cizuminano Cipy. Wa kali kutondezegwa kulondokede kwa Leza.

¹¹⁷ Oh, ikuti na Mbungano sunu yakonzya kutondezya buyo eyo Mbungano ntaanzi, cindi Muuya Uusalala niwakawa aa Buzuba bwa Pentekoste! Ikuti na Munakristo sunu wa konzya kutondezya! Tuli nkamu yamatintanisiga, kuli obo mbo bakabede.

¹¹⁸ Nda kaindamo, nkeboola sunu, Nda kali kweebela, nkeselemuka awa, kuli umwi wa baaba Casa Grande muniini, na bumwi wa masena aya maniini awa, Nda bona alya kwali ii—ii mpulazi ya buntonje, a ziteo zya alufalufa zyaandene. Ba kacita kuba a windimilu okuya, ku kupompa maanzi, kubamba eco kuyabuya. Nkaambonzi? Ta cizulilwi okuya. Peepe nconzyo. Pele, amulange samu lya kkakitasi lyakaindi, tiiya kakonzya kuwa kwa myaka yosanwe elyo lya kapona. Elyo ula kakilwa kubikka maanzi ali ceeco kwa mazuba masyoonto, nkabela ayo fwa. Nywebo mwabona, tacili citaanzi cini.

¹¹⁹ Nje nzila eyo mbo tube. Twe elede kubebekwa, aku bambwa badundumutule mu mbungano, akusobwasobwa, a kwiitwa *ceeci, eco, na i cimbi*.

¹²⁰ Ee, balo Banakristo bataanzi bakali galankene. Tiiba kabikkila maanu kuli oyo wakaba buwabuwa kusule. Ba katondezya Jesu Kristo, kunji loko, kuti bakati...Ba

kalanganisigwa kuti ba—ba kali bantu buyo a batayiide. Tiiba kaunka ku cikolo cipati, nkabela teeба kajisi digrii lya kkolegi. “Pele baka swilila kuti bakali antoomwe a Jesu.” Eco ncencico ncoba yandikana, Banakristo sunu, kupakamana kuti mwakali antoomwe a Jesu. Kuli cintucimwi kujatikizya nduwe, eco candeene. Ndi lizi eco tacili... Eco ncintu citakwe mpuwo ku kwaamba, pele tatu langili mpuwo. Banakristo taba langili cintucimwi citete.

¹²¹ Ii mucizi mucembele mu myaka yangu ya mbungano yakainda, wakali kunga ulaima a kwiimba lwiimbo:

Sa Nde elede kubwezwa kuya ku muunzi
Kujulu
Aa nzila isakatidwe yabuteteete,
Kakuli bamwi baka lwanina kujana cilumbo
A kwiinda mu maziba malowa manji?

Peepe, Nde elede kulwana ikuti na Nde elede
kulela.

¹²² Ula yeeya nconga wacita ikuti nooli waano a zintuzyonse nizyakali kulwana Jesu Kristo, ikuti noka pona mu mazuba Akwe. Ula pona okuya, mukwesu wangu, mucizi. Mbo mbubo. Walo ucili Ijwi. Amulange obo mbo bali mukulyataula ali Ncico sunu. Amulange nzila mbo bali mukusola ku Libunganya, a ku Li kamantanya, a zintuzyonse mbuli ezyo, kubelesya inyika. Koimikila antangalala. Kobweza kwiima—kwako kwa Jesu Kristo a Ijwi Lyakwe. Talekeli cintu kusinkila ceeco. Kokkala ncobeni a Ndilyo.

¹²³ Mboli bantu ba Chainizi bakaindi basikusanzya zisanzi, nibakali kusika okuno ku Arizona a California, myaka yakainda. Ta kali kukonzya kulemba bbala lyomwe lya Chikuwa. Ta kalizi pe. Wa tola zyakusanzya zyako kuli nguwe. Mulizi na mbwa kali kucita? Wa kajisi kapepa, kaatalembedwe ali nkako pee. Wa kali kunga wazapaula buyo kabeela ako ka pepaaku kupa kabeela komwe. Cindi wa kujoka, oko kapepa ka keelede kweendelana a kapepa kakwe, nape toka kakonzya kubweza zyakusanzya zyako. Eco coonse cili kabotu loko. Inga wa koopela zina, pele toka mweeni okuya, nkaambo ako kapape keelede kweendelana kabotu a kapepa kakwe.

¹²⁴ Eyo nje nzila Leza mbwa kabamba cipangano Cakwe acalo. Luzibo lwesu ta lweelede kweendelana a buzumini bumwi bwabukombi, kayanza kamwi kabuzumini, kabungwe kamwi ka mbungano, pele weendelana a Ijwi lya Leza, Jesu Kristo. Nconzyo. Cindi twa boola kuli Kristo, mpawo Kristo ula tutaminina. Wa ka Mu zapaula muli bobilo, aa Kalivari. Cibeela ca ncico Wa kasumpulwa, a ku kkala ku janza Lyakwe lyalulyo, oyo wakali mubili. I Muuya, Wa kasika, katumwa kujoka kukubamba Nabwiinga Wakwe. Alimwi olo luzibo ndulonya lwakali muli Kristo lweelede kuba muli ndiswe.

¹²⁵ Wa kali—Wa kali londokede ncobeni kusikila Wa kabotela Mubumbi, a ku Mu nanika maningi kusikila Wa ka Mu uma aa Kalivari. Oh, ma! Lino tula Mu bona mbuli Lugwalo mbolwa kaamba, cipange cilondo ica Leza. “Tula Mu bona kaumwa, kacisigwa, a kupenzegwa aa Leza.” Nceeco cipange cini cilondo. Mbuli ’Angelo mbwakauma cakwe, eco nce cakabamba . . .

¹²⁶ Ikuti na Wa kapona buumi bubotu, Wa kali mbuli bantu bamwi bakambauka makani mabotu aabuleya sunu, “Wa kali musinsimi.” Wa kali musinsimi, pele Wa kali kwiindilila kuba musinsimi. Wa kali Leza. Wa kali Emanuele.

¹²⁷ Elyo lino ncinzi caka Mu bamba kuba mbubonya, kuli ndime, i—i Cipange cilondo kuli ndime a kuli ndinywe, nkaambo kakuti Leza waka Mu uma. Wa ka Mu uma a Kalivari. Ikuti na Ta kaumwa . . . Takukwe makani na mbangaye Mba kabusya, obo Mbwa kakambaula kapati, nzila buumi Bwakwe mbo bwakali bulemu, obo Mbwa kataminina kuba, Ta katondezegwa alya. Wa kabotelwa maningi, Leza mbwakabede, mane Wa kali Muntu alikke oyo wakasola kwiima ku busyu bwa nyika kuti Leza wakakonzya kuuma boonse. Oyo Umwi ulondokede waka uminwa batalondokede. I bulenge boonse obo bwakawa, kwiinda muli Adamu, bwaka nununwa kwiinda muli Jesu Kristo. Cipange cilondo ca Leza caka zunda kusunkwa. Mbobuti Mbwa kacicita? Kwiinda ku Ijwi. “Kuli lembedwe, ‘Muntu taka poneni ku cinkwa cilikke, pele ku Ijwi lyoonse eelyo lizwa ku mulomo wa Leza.’”

¹²⁸ Oh, mweenzuma Munakristo, usame zilwanyo zyoonse zya Leza. Uta imi kusule a muzeeso umwi muniini wa kansiyansiya kamwi, na cintu cimwi eco ncoimvwi munsi. Amusame zilwanyo zyoonse zya Leza cindi mwa kuunka kuyo lwana sinkondo, mbuli Mwami wesi mbwa kacita. Wa katondezya kuti obo mukompami loko Munakristo mbwa konzya kuzunda Saatani kubelesya buyo Ijwi. Wa kajisi inguzu, Na kakonzya kuuma Saatani kufumbwa nzila Nja kali kuyanda, pele Ta ka zibelesya. Wa kabweza buyo Ijwi a kumu zunda kubelesya Ndilyo. “Kuli lembedwe. Kuli lembedwe.” Koonse, “Kuli lembedwe.” Aboobo Wa kazunda Saatani kwiinda ku Ijwi ly Leza.

¹²⁹ Lino, eco cakali Cipange cilondo cimaninide nkabela Leza waka Ci uma. Ino wakali mukozyanyo! Ino ncintu cini! Amwaambaule zya cibeele ca Michelangelo ca—ca cibumbwa okuya, kwinda kuli Musa mukuumwa ku kuulu? I Bbaibblee lyakati, “Oyu Muntu waka bisigwa kwinda bantu bonse. Wa kabisigwa kapati mane Ta kakonzya nokuba kuboneka mbuli mwana wa muntu. Wa kaumwa. Wa kacuzaulwa. Wa kazwa malowa manji. Wa ka samununwa.” Wa . . . Zintuzyonse zyakali kukonzya kucitwa. Wa kaboneka mbuli buyo ii—buyo mulwi mupati wa Bulowa a mafuwa, kweenda antoomwe. Ta kaboneka akwalo mbuli muntunsi, mbuli Mbwa kali ku kwela eco atala ly

Kalivari. Leza waka Mu uma nkambo ka ndiswe. Eco nceci Mu bamba kuba Cipange cilondo cimaninide.

¹³⁰ Oh, obo mbo Ndi Mu yanda, kuziba kuti Wa kacitila ndime eco, lizi kuti Wa kakucitila ceeco. Mbobuti mbo—mbobuti mbo tukonzya kucilangilila? Taakwe umwi wa keezyanisigwa a ncico. Kwiina naba omwe wakali kweelela kweelanisigwa ancico. Twa kanyina bulangizi. Twa kanyina Leza. Swebo katutakwe nzila imwi ya lununuko. Umwi aumwi wesu wakazyalwa ku kulyanankwela, elyo twa kazwaa kubbadela muulo. Pele Wa kaboola, Umwi uulondokede, alimwi wakali londokede loko a kubotezya loko mane Leza waka Mu uma nkambo ka nduwe a Ndime.

¹³¹ Lino, kutandila myaka ili zyuulu zyobilo, Leza wakali kusola ku Mugonka Nabwiinga wa cipange cilondo, uutegwa Mbungano. Mbo mbubo. Mbobuti Leza mbwa cicita? Ula cicita kwiinda kunzila Yakwe itasoli kucinca, Ijwi. Leza tacinci nzila Yakwe. Kufumbwa muntu, inga wacita. Ula cinca. Nda cinca. Ciindi cilacinca. I inyika ilacinca. Pele Leza tacinci, Uli londokede. Ta cinci. Elyo nzila Mbwa cita cintu cili coonse ciindi citaanzi, Ula cicita ziindi zyonse mbubonya.

¹³² Wa kafutula muntu ciindi cimwi nkaambo wa keempwa. Eyo nje nzila mbwa yovuna muntu alubo. Wa kaponya muntu omwe nkaambo wa kajisi lusyomo. Uyo ponya umwi utobela aa mbaakanji njionya. Ta cinci nzila Yakwe, nkaambo, mwabona, Ula lyeendelezya alimwi Ngu Uutamani. Walo mupatikampatila, ulikokoonse, uzizyonse. Ngu Leza. Elyo nkikaako Ta elede kubuzya uli onse ku busongo. Ta elede kulindila mane Wa iya loko. Ta yandi digrii lipya. Uli londokede. Alimwi kufumbwa digrii, alimwi kufumbwa cintu Nca bamba lutaanzi, muzeezo Wakwe mutaanzi uli mbubonya kwalyonse. Ta cikonzyi kucincwa. Oh, obo mbo Ndi kkomene!

¹³³ Elyo cindi Na kapanga cipange Cakwe cilondo citaanzi, Wa kamubikka kunze lya Ijwi. Cindi Na kapanga Cipange Cakwe cilondo cabili, Wa kali Ijwi. Ameni. Wa kali Ijwi; kutali *kunze* lya Ijwi. Pele, Wa kali Ijwi. Leza tacinci makanze Aakwe. Eco ncencenco ncobeni Nca katalika kucita mbungano Yakwe ntaanzi a, i Ijwi.

¹³⁴ Lino, Leza, i Ijwi, ku matalikilo, Wa kali kulyeendelezya kuzwa kuli boonse bambi, zintuzyonse zimbi, bantu boonse bamwi. Lino, Nse kanzi kwaamba ceeci kuba sikwiimpana. Leza ngu silusalululo. Mulizi na obo? Mwaambaula zya kuvwaana? Leza ngu silusalululo. Ula cita ncobeni. Ula pambula bantu Bakwe kuzwa ku inyika. Wa kandaanya Israyeli, cisi Cakwe. Walo usola kwandaanya mbungano Yakwe kuzwa ku inyika, pele mbungano iyanda kuzumanana a inyika. Pele bantu Bakwe baci salulwidwe, bakasalululwa kuli Nguwe. Ino Nguni? I Ijwi.

¹³⁵ Mbobuti muntu mbwa konzya kuba a lubbizyo lwa Muuya Uusalala, alimwi Muuya Uusalala wakalemba Ijwi, alimwi muntu ujisi lubbizyo lwa Muuya Uusalala a kukaka Ijwi? Mbobuti Muuya Uusalala mboukonzya muli nduwe kukaka Ijwi Lyakwe lini lyaka bambilwa ndinywe? Nse konzyi ku cimvwisya. Lyeelede kuzuminana a Ijwi. Elyo ikuti na muuya wako muli nduwe tau kalanganyi zisyomezyo zyoonse zya Leza a “ameni,” kuli cintu cimwi cilubide.

¹³⁶ Mukwesu Fred Sothmann na muntu umwi awa sunu masiku, wakabalulula, “Jesu Kristo mbobuca nguwenya, sunu, amuya myaaka.” Walo ndi Ijwi. Kuti, masimpe. Walo lyoonse ngumwi, mwabona, alimwi muuya wako weelete kuzuminana a “ameni.”

¹³⁷ “Oh, Walo, mu nzila yomwe Mbwa bede.” Mu nzila zyoonse, Ngu mbobuca nguwenya, sunu, amuya myaaka.

¹³⁸ Lino tula bona kuti Leza wakatalika ku Mu bamba ii—ii Nabwiinga wa Kristo. Aboobo... Elyo Nabwiinga weelete kulizibya a Nguwe a muli Nguwe, nkaambo ncibeela Cakwe. Lino, Nabwiinga ncibeela Cakwe. Walo ncibeela Cakwe. I Ijwi lya buzuba obo, Nabwiinga waba cibeela ca Ijwi eelyo, nkambo ngu Kristo. Lino, mula syoma obo? Twe elede kuba muli Kristo. Muli Kristo, weelete kuba wa Kristo, muli Kristo, cibeela ca Kristo.

¹³⁹ Ino mwanakazi ninzi, cindi atola mwaalumi, na mwaalumi kubweza mwanakazi? Oyo mwanakazi weelete kuba cibeela cakwe. Taba cili bobile. Bali bomwe.

¹⁴⁰ Elyo cindi Leza a Kristo nibakaba bomwe, Ba kali Bomwe. Nkaambo, Leza wakali Ijwi, alimwi Ijwi lyakaba mu mibili wabantu. I mibili a Ijwi bakaba Bomwe. Elyo cindi mbungano yaba Nabwiinga wa Kristo, Walo a Makanimabotu bali kozyenye.

¹⁴¹ Mbobuti mbo mukonzya kwaamba, mpawo, “I mazuba aa maleele akainda”? Mbobuti mbo konzya kwaamba, mpawo, “Tali mbobuca nguwenya, sunu, amuya myaaka”? Mbobuti mbo konzya kwaamba kuti, “Ezyo zintu nzya muapostolo na sikwiya, na muntuumwi mu buzuba bumbi,” kakuli uli cibeela Cakwe?

¹⁴² Cindi, Na kati, “Majulu a nyika ziyo loba, pele Ijwi Lyangu tali kakakilwi.” Mbuti kujatikizya Ciybunuzyo 22, cindi Na kamana kulemba Bbuku? Wa kati, “Nda lungulula kuti na kufumbwa muntu uyo yungizya ijwi lyomwe, na kugusya Ijwi lyomwe kuzwa kuli Ndilyo, cibeela cakwe ciyo gwisigwa kuzwa ku Bbuku lya Buumi.”

¹⁴³ Mbobuti mbo tuyu boola ku Julu, mpawo, kwaamba kuti, “Ee, Nda syoma *eci*, pele Nse syomi *Eco*

bantu. Inga mwa cibona ka ciboola. I bulembu buli aa bulambo. Tabukabi kwa ciindi cilamfu mane tu yooba Mbungano ya nyika. Alimwi mbungano yoonse iyo elela kuwida moonya muli eco, na kwiima ziimo. Ee, sena uli libambilide kwiima eco? Yebo ncibotu to cicitu buyo nkaambo uyeeya kuti ncintu ciluleme.

¹⁴⁴ Ncibotu waba a Ckristo muli nduwe, nkaambo eelyo Ijwi Talimani, alimwi eelyo Ijwi ndeliyo kubusya alubo. Yebo waba cibeela ca Ijwi eelyo. Ula lizibya a Ijwi.

Sunu, yebo wati, “Ndili Munakristo.”

¹⁴⁵ “Ino uzulilwa ku kabungwe nzi?” Ee, eco tacikwe cintu comwe cakucita a Bunakristo.

¹⁴⁶ Cili kabotu kuba a tubungwe. Ta ndi lwani eco. Pele, mwabona, kuti, obo mbombubo bantu mboba bede... Bantu banji baamba kuti Nda zapaula tubungwe, Nda tusowe. Nse citi. Peepe, munene. I tubungwe, tuli kabotu. Eco cili mbuli kubeleka buyo makani a zizuminano, na kufumbwa cintu mbuli ceeco. Pele cindi wasyomeka, nkaambo waati, “Ndili Munakristo nkaambo Ndi zulilwa kuli *imwi-imwi* mbungano,” eco ta caambi cintu cili coonse. Yebo weelede kuba wa Kristo, alimwi Kristo ndi Ijwi. Elyo ziindi zinji tubungwe oto tuli kulaale kuzwa ku Ijwi mbuli Kujwe mbokubede kuzwa Kumbo.

¹⁴⁷ We elede kukkala a Ijwi eelyo, kuba Nabwiinga. Ikuti na uli muli Nabwiinga, uli mu Ijwi, alimwi Ijwi lili muli nduwe. Elyo Ijwi ly a katondezya Leza kwiinda muli Kristo, kutondezya Leza nguonya kwiinda muli nduwe. Ameni. *Ameni* caamba kuti “akube boobo.” Aboobo, acibe boobo. Nda cisyma kuba Bwini. We elede kulizibya a Nguwe.

¹⁴⁸ Lino, ikuti na Ndi yooba muna America wa kasimpe ncobeni, ikuti na Ndi yooba sicisi wa bwini wa cisi eci, Nde elede kulizibya a ncico. Nde elede kuba koonse nkwa kabede, kaluleme na kataluleme. Nde elede kuba onse Mbwa bede, kaluleme na kutaluleme; konse mbwaya kuba lyonse, kaluleme na kataluleme. Nde elede kulizibya a cisi eci, ikuti na Ndiyo oba muna America. Sa mbo mbubo? Mu bulemu bwakwe na mause akwe, lwaanguluko na kuyaka, kufumbwa mbwabede, Nde elede kuba mubumbi wa kutafwika kwakwe. Nde lede kwimikila mbuli mugame. Koonse mbwabede, Ndili obo. Koonse mbwakabede lyonse, Ndili obo. Koonse nkwa yooba, Nde elede kuba basizyaabilo bakwe. Mbo mbubo.

¹⁴⁹ Amu ciyeeye buyo kwa maminiti masyoonto. Mpawo, kuba boobo, mbuli muna America... Ndiyo cileta kuli ndinywe, kutegwa mube masimpe ku cibona, mbuli Mbwe jala.

¹⁵⁰ Kuba muna America, Nde elede kulizibya a zintuzyonse nzya kasola kucita. Mpawo, Nda kaseluka aa Plymouth Rock, a i—a bensiku. Nda kali ku Plymouth Rock a Bamuzwakule. Nda kali kokuya a mbabo. Nda keenda a Paul Revere, busiku bumwi, ku

cenjezya cisi eci ku ntenda zyakwe. Nda keelede kuba, ikuti na Ndali muna America.

Yebo wati, "Oh, Mukwesu Branham!"

¹⁵¹ Amulindile aniini. I Bbaibbele lyakati, muba Hebrayo cipati ca 7, kuti, "Levi oyo wakatambula kwakkumi, wakapa kwakkumi, nkambo wa kali mu cikungu ca Abrahamu cindi na kaswaana Melikisedeki," syanyinakulu mupati-mupati-wakwe, alimwi kkwakabalwa kuli nguwe. Cindi muzukulu wakwe mupati-mupati nakali mu zikungu zyakwe, cindi Abrahamu nakapa kwakkumi kuli Melikisedeki, Leza waka zyaanga. Sena Wa kacicita? Mbo mbubo.

¹⁵² Kufumbwa cisi eci mbocibede, Mbwe bede. Mbo mbubo. Aboobo, Nda kaseluka aa Plymouth Rock. Nda keenda a Paul Revere.

¹⁵³ Nda kazabuka Kkuti lya Forge, kali a mulonga wakazwide caanda antomwe a George Washington. Nda kali umwi wabo basilumamba bana America abo bata kajisi mabbusu amwi, ku macking'a kulwana ba British. Nda kajisi matende aatontola cifumo eco, cindi Ne vungaila matende angu. Nda kabona Washington kazwa mu nkanda, katetede, kulaale kusika mu cibuno cakwe, kuzwa kukukomba busiku boonse. Nda kaliko cindi nicaka citika.

¹⁵⁴ Nda kaimikila a Stonewall Jackson, cindi kulwana nikwakali kupati loko. Cindi impi lya kuyiika nizya katumina kunselelo okuya, zya kati, "Zyonse impi zya tyokauka."

Kati, "Uli kuli Jackson?"

¹⁵⁵ Kati, "Uli imvwi mbuli bulambo bwa mabwe." Nda kaima a nguwe awo; muntu muniini, wa meso aabbulu.

¹⁵⁶ Ba kamubuzya ciindi cimwi, "Mbobuti mbo konzya kwiima kakuli kuzundikizigwa nkupati maningi?"

¹⁵⁷ Muntu mubombe loko, wa kabbompa bbusu lya, mbuli boobo, kati, "Nse nywi maanzi ku mulomo wangu, mane Nda lumba Leza Singuzuyonse." Nda kaimikila angu mu kulamwa kwakwe. Nda kaimikila a Stonewall Jackson. Mbo mbubo.

¹⁵⁸ Nda kaliko ku Boston Tea Party. Nda kagwasya kutila eyo Britishi Tea mu lwizi. Nda keelede kuba, kuba muna America. Iiyi, munene. Iiyi, munene. Nda kasaina Bulembo bwa Lwaanguluko, antomwe a Thomas Jefferson. Nda kalizya Mulangu wa Bulubusi, aa Kunkumunamasamu wa 4, 1776.

¹⁵⁹ Nda lizibya mu mause akwe ku lucinco lupati, cindi mukwesu nakalwana kulwana mukwesu, a taata kulwana mwana. Nde elede kulizibya mu mause akwe, mbubonya mbuli Mbwe lizibya mu bulemu bwakwe. Mbo mbubo ncobeni.

¹⁶⁰ Nda kali ku Wake Island cindi boonse babo basilumamba niba kasweekelwa maumi abo. Nda kaba bona kaba cicita.

Nda kababona cindi niba katola Wake Island. Nda kagwasya kwiiimika ndembela ku Guam. Masimpe.

¹⁶¹ Konse mboya kabede, a konse lyonse nkoiya kueita, konse mboibede eno, Nda amba cakubotelwa kuti Ndili cibeela cayo, nkaambo Ndili kkomene kuba muna America. Tamuli obo na?

¹⁶² Kuba Munakristo, Nde elede kuba mbubonya. Aleluya! Iiyi, munene. Ikuti na Ndili Munakristo, nkokuti Nda kakambauka Makanimabotu akucenjezya imbeta ziboola, antomwe a Nowa. Iiyi, munene. Nda kali cibeela ca ncico kaindi kuya, mukati maya. Nda kali cibeela ca buvubi bwa Leza.

¹⁶³ Nda kali a Musa ku citeo ciyaka. Nda katandwa kuzwa mu Egepita antoomwe a Musa. Nda kabweza lweendo lwa nkanda, elyo Nda kali anguwe ku citeo ciyaka. Nda kamvwa jwi Lyakwe. Nda kabona bulemu Bwakwe. Nda kabona Musumpululu wa Mulilo kaindi mu citeo eco kunze kuya, kaambaula kuli Musa.

¹⁶⁴ Ndali a nguwe ku Lwizi Lusalala cindi nilwa kajuka. Nda kaubona Musumpululu wa Mulilo kuukkala atala lya Cilundu ca Sinai. Nda kalya mana mu nkanda a kunywa kuzwa ku mwaala wakaumwa. Aleluya! (Nse limvwi makumi osanwe ayosanwe ndyoonya lino.) Ameni. Iiyi, munene. Nda kalya mana mu nkanda, a bana ba Hebrayo kaindi kuya mu nkanda. Elyo Nda kanya kuzwa ku mwaala oyo nguwenya wakaumwa.

¹⁶⁵ Nda kaima a Joshua cifumo eco cindi nakali kulanga malambo aa Jeriko, elyo wa kabona Muntu kaimvwi. Wa kasomona panga lyakwe akuzuza kuyo Mu swaaana. Wa kati, "Sena Uli andiswe. Sena Nduwe sinkondo wesu?"

¹⁶⁶ Wa kati, "Ndime Silutwe wa makamu a Mwami." Nda mubona Joshua kawaala panga lyakwe ansi. Nda kafugama a Joshua cindi ni Nda kakotama kumbele Lyakwe, Silutwe wa Mwami iwa makamu Aakwe. Nda kabona malambo aa Jeriko kaawida ansi, ku kulizya kwa mweembo.

¹⁶⁷ Nda kabona Joshua, kati, "Zuba, koima nji. Elyo, mweezi, wakaima ku Ajalon. Uta puti." Nda kalibona zuba kalimikila nji, nkabela mweezi tiwa kakilwa kumweka. Nda kabona konse kwakacitika.

¹⁶⁸ Nda kali a Daniele mu bulyango bwa balavu; a bana ba Hebrayo mu bbila lya mulilo.

¹⁶⁹ Nda kali a Eliya, okuya cindi inyika yoonse niyaka mufutatila, a Ahabu aba Jezebele babo boonse amasusu abo aageledwe azintu zya buzuba obo, misila yabo a mapauda, zintuzyonse zya kajisi mbungano. Nda kaima a Eliya, kataminina mulumbe kunjoloma a kusalala, aa Ijwi lya Leza. Aleluya! Nda kakkala a nguwe aa Cilundu ca Karimeleki cindi na kaima alikke abusena awo. Nda kamubona kakomba mulilo kuzwaku julu.

Nda kali a Davida cindi na kajaya Goliati. Bulemu kuli Leza!

¹⁷⁰ Ee, ikuti na Ndili Munakristo, Nda lizibya muli zyoonse ezyo. Nde elede kuba cibeela ca ncico. Iiyi, munene.

Nda kasinsima a Isaya mu buzuba bwakwe.

¹⁷¹ Nda kali a Johane aa Jordano cindi na kabona nziba kaiseluka aali Nguwe. Nda kaima a Johane ku Jordano.

¹⁷² Nda ka Mu bona kaponya balwazi; kabusya Lazaro; kabusya mwana musimbi wa Jairasi kujokela ku buumi alubo, nakamana kufwa. Nda kabona obo.

¹⁷³ Nda lizibya a Nguwe mu lufu Lwakwe. Nda kafwa a Nguwe cindi Na kafwa aa Kalivari, nkabela Nda kabuka alimwi aa cifumo ca Pasika antoomwe a Nguwe, mu nguzu zya bubuke Bwakwe. Ndili kamboni wa ncico sunumasiku. Nda kafwa a Nguwe aa Kalivari, kabuka a Nguwe aa Pasika. Aleluya! Kuba cibeela Cakwe, Nde elede kulizibya a Nguwe. Nda kalizibya a Nguwe mu lufu Lwakwe. Nda kalizibya a Nguwe mu kupenga Kwakwe. Nda kalizibya a Nguwe cindi tubungwe nitwaka Mu kaka. Nda kalizibya a Nguwe cindi niba ka Mu tandila aanze ly a tempele, cindi niba kasola kuwaala, ku Mu gusya. Nda kali a Nguwe okuya. Nda kali a Nguwe mu lufu Lwakwe, kabuka a Nguwe mu bubuke.

¹⁷⁴ Elyo Nda kali a mwaanda amakumi obilo cindi niba katanta kuya ku ng'anda ya mujulu. Iiyi, munene. Nda kapeda bumboni guwo eelyo lyuungisya lyanguzu kalizwa ku Julu. Nda kaambaula mu myaambo a kunanikwa aa Buzuba bwa Pentekoste. Aleluya! Nda kaliko nkaambo Nda lizibya a Nguwe. Bulemu kuli Leza! Mbo mbubo. Nda kakambauka a Petro, mu Incito 2. Oh, Nda kakambauka a nguwe okuya.

¹⁷⁵ Nda kakambauka a Paulo aa Mars Hill, kumbele ly a sikukazya. Iiyi, munene. Nda keelede kuba.

¹⁷⁶ Nda kali a Johane aa Kasuwa ka Patmo. Nda kabona cilengaano ca Kuboola Kwakwe. Mbwe bede. Nda—Nda kabona Luther. Nda kali a nguwe cindi mu lubambululo.

Nda kali a Wesley.

¹⁷⁷ Elyo lino Ndili waano mu Yuma, Arizona. Aleluya! Ndali zibya sunumasiku, omuno muli eyo Stardust Motel, a nkamu ya bantu basyoma cintu comwe. "Elyo lino tuli kkede antoomwe mu masena Aakujuju muli Kristo Jesu." Aleluya! Ndi langila Kuboola Kwakwe mu bulemu, bumwi bwa mazuba aya. Kulizibya a Nguwe!

Mukupona, Wa kandi yanda; mukufwa, Wa ka
ndifutula;

Mukuzikkwa, Wa katola zibi zyangu kulaale;
Kubuka, Wa kalulamika kwabuyo kwalyonse:

Buzubabumwi Ula boola—Oh, buzuba bwa bulemu!

¹⁷⁸ Nda lizibya eno mu lubapatizyo lwa Muuya Uusalala; kutali cintucimwi awa mu kagwagwa, cintucimwi myaka ili makumi one yakainda. Ndi cijisi ndyoonya lino, bulemu a nguzu zya Leza, zya kujatilwa kwa zibi. Nda Mu bona kaponya balwazi, kajula meso atakuboni, ku Mu bona kaamba zintu zyakumbele, kubala myoyo ya bantu. Nda lizibya a Nguwe mu mulimo Wakwe ku buzuba buno. Bulemu kuli Leza! Nda lizibya a Nguwe, ku lwaanguluko mu buzuba buno bwa mamanino. Ndi syoma kuba cibeela ca Nabwiinga oyo mupati uboola mazuba aya amwi.

¹⁷⁹ Takukwe makani eco inyika ncinga yaamba, inga batwiita kuti “basondokede, cakubibwa, na ba Beezebule, na basibuzumini bumbi,” kufumbwa mbo bayanda kuba. Ndi ciyanda kulizibya a nkamu eyo. Ndi cili omuya. Ndi cili alya. Nda kazyalilwa okuya. Ndi yanda kukkanla awo. Ndiyo obako lyoonse, nkaambo Leza wakandi bikka alya. Mbwe bede. Nda kasiya mbungano yangu, kuboola kulizibya lwangu a nkamu ya babumbulusi basalala. Ndili umwi wabo. Nda lizibya a mbabo.

Ba lati, “Billy, wa unduluzya mizeezo yako.”

¹⁸⁰ Ndiza Nda kacita, pele Nda kajana muzeezo wa Kristo. Nda kajana Ijwi Lyakwe, kajana Busyu Bwakwe, kajana kuti Ngu mbobuca nguwenya, sunu, amuya myaaka! . . . kwe ndaba eco kufumbwa muntu umbi nca yeeya kujatikizya ncico. Oyu ndime. Nde ndime oyo weelede kubamba kulizibya kwangu. Nda lizibya a Nguwe, kwiinda ku Ijwi lya Leza. Wa kati, “Ezi zitondezyo ziyo batobela abo basyoma.” Ndili kkomene kuti Nda lizibya muli ceeco. Iiyi, munene.

¹⁸¹ Nywebo mulizi, simalela mudaala sikulizya vaolini, ciindi cimwi, mwakamvwa kaano, ba kajisi violini yakaindi nkabela bakali kwiisambala ku okushini, ba kali kuyanda kwiisambala, nkabela taakwe wakali kuyanda kwiiula. Ba kati, “Nguni uyoopa dollar? Nguni uyo pa dollar a cisela?” Kumalekelo, “Kwiinka lomwe, kuyabuya lwabili, dollar a cisela.”

¹⁸² Kumalekelo mudaala wakajisi imvvi wakayutuka kuzwa mu bbunga. Nywebo muli kazyi kaano. Waka ibweza, kati, “Amu ndipe.” Kabikka bunzuka a ku buta bwakwe, kwiilizya ziindi zisyoonto. I bantu bakatalika koomoka. I misozi yakatalika kuloka ku masyu abo, mbuli boobo.

¹⁸³ Elyo cindi nakacita, siokushini wakabweza alimwi, kati, “Nguni uti konzye imwi,” kati, “madollar ali zyuulu zili cuulu, zyuulu zyobilo, zyuulu zyosanwe?”

¹⁸⁴ Lwakali lwandaano nzi? I simalela, umwi oyo waka ciziba, umwi oyo waka ciyaka, wa kalizi nzila yakuzwa kuli ncico eco cakali muli ncico.

¹⁸⁵ Elyo kufumbwa kuti twa sola kuleta mambungano esu kuzwa ku tunsiyansiya a tubungwe, ta tuka cicit. Amulekele Muyasi Mupati wa bantu bonse, Oyo wakalenga muntu mu cinkozya Cakwe, Oyo uli Mu muyaka Nabwiinga ku cintu nciconya, lekela buta Bwakwe bwa Muuya Uusalala kuuma Ijwi eli mu moyo wako ciindi cimwi, alimwi kuyooba mukozyanyo wesu mubotu loko. Takukwe makani na mambungano manji buti mapati ngo unka, a kuvula kwa mazina ali mu bbuku, ciyo cita kunji kuli Jesu Kristo kwinda mambungano oonse, a tubungwe, a tunsiyansiya, a mambungano aanyika, a tubunga, mu inyika yoonse.

¹⁸⁶ Uli mukubamba Nabwiinga. Iiyi, munene. Uli mukusya cipapa eno, kugonka kuzwa kwa nyika. Oh, kusangana mbungano, a tuyanza twabuzumini, a tubungwe, a tuyanza twa buzumini, zyoonse zyelede kukosolwa kuzwa ku Mbungano; mizeeo yabo ya tulengwa, kancimwa kabo, njiisyo zyabo a zintu. Kujoka a kulekela Simalela kubweza buta. Lekela Simalela amu bweze mu maanza Aakwe, kuuma Ijwi, kwaamba, "Jesu Kristo ngu mbobuca nguwenya, sunu, amuya myaaka."

¹⁸⁷ Kwaamba, "Ameni, Mwami. Kondi bamba, kondi bumba, kondi bamba, Mwami, obo Mbwe elede kuba." Mpawo kuyooba cintu candeene.

¹⁸⁸ Mpawo, "Ikuti na Nda sumpulwa kuzwa aa nyika, Njo kwela bantu boonse kuli Ndime." Iiyi, munene.

¹⁸⁹ Uli mukubamba nduwe lino, ku kugonkela ku Ijwi Lyakwe luzutu, kutenda tunsiyansiya toonse a tuyanza twabuzumini a zintuzyonse, kuzwa kuli nduwe, kusola kujokela kuli Nabwiinga wa Mwana, cipange cimbi cilondo, cibeela ca Ijwi. I Ijwi.

¹⁹⁰ Jesu taka konzya kubweza busena. Mula yeeya cindi niba kabala buzuba obo mu bbuku? Wa kabala cibeela buyo ca cisinsimi, kasiya zimbi zyaco ku mazuba aa mamanino. Tweede kubweza cibeela eco.

¹⁹¹ Aboobo, nywebo mwabona, Wa kosola, uyanda kumwaya Mbungano, mbuli buyo Mbwa kacita Mwana kuzwa, mbuli Mbwa kacita Nabwiinga a Simusa. Kuba Nabwiinga Wakwe, mweelede kuba cibeela Cakwe. Kutali cibeela ca kansiyansiya, kutali cibeela ca mbungano, kutali cibeela ca kabungwe, pele cibeela Cakwe. Kazyulwa kuzwa ku musyobo umbi uli oonse wa ciimo, tacika beleki. We elede kuzyulwa kuzwa ku Ijwi. I inyika yaka gonkwa kuli nduwe, a kusiya buyo Ijwi kupona biyo muli nduwe.

¹⁹² I Mubumbi mupati uli mukubala ali ndinywe, kulibambilila kwiima a kulibamba lwako kubambwa mu bukozyanye bwa ceelelo Cakwe eco Ijwi Lyakwe ncoli sesa. "Mu mazuba aakumamanino Njo tila Muuya Wangu aa bantu boonse. Bana banu balombe abasimbi bayo sinsima." Kristo ngu Cipange cilondo cakatondezegwa ica Ijwi lyakaba mu mubili wabantu.

Wa kaambilwa kulizibya lwako muli Nguwe, kwiinda ku Ijwi ndilyonya, kuba cipange cilondo ca Nabwiinga.

¹⁹³ Lino, bakwesu, Leza waka jisi cipange cilondo mpawo, ca kutondezya ku inyika, lino Walo uyanda cipange cilondo sunu. Sa uli libambilide? Sena uli libambilide, mweenzuma Munakristo? Sena uli masimpe ncobeni kuti buumi bwako buli mukutondezya loko kuli Kristo, takukwe makani eco nyika neco yaamba. Ba kati, “Wa kasondoka. Wa kanyongana. Wa kaunka a kuyo sangana nkamu eyo ya babumbulusi basalala.” Muta bikkili maanu kuli ceeco.

¹⁹⁴ Ikuti na tona futulwa ncobeni, alimwi mu Mubili oyo, a Ijwi ly a Leza muli nduwe a kilitondezya Lini, nkabela Buumi bwa Kristo bwatondezegwa kuzwa muli nduwe; mukwesu, mucizi, uta toli coolwe eco. Nse kwe ndaba obo mbobede, musyobo nzi wa luzibo ndo jisi, lekela eelyo Ijwi litondezye kwiinda muli nduwe buzuba abuzuba, nkaambo Leza, mu mazuba aya akumamanino, uli mukubweza Nabwiinga wa Mwana Wakwe, Jesu Kristo.

Atu kotamike mitwe yesu.

¹⁹⁵ Oyandwa Taata Wakujulu, nzila eyo nteteete kumbele ly a nkamu ya bantu bapampu. Lwiiyo lwangu tali-... talu kkwanisyi, Mwami. Nda komba kuti Muuya Uusalala mulemu uyo bbizya majwi aya mu moyo wa bantu, kuti baka bone Nce pandulula, ikuti na tii bakonzya kumvwisya mu nzila yangu ya kupasaula zintu, Mwami. Pele, mu moyo wangu, Nda—Nda bona eco Nco—eco Nco soleka kucita.

¹⁹⁶ Nda syoma, Taata, Nabwiinga weeledge kuba cibeela ca Sibwiinga. We elede kuba mbubonya mbuli Sibwiinga, nkambo walo ncibeela Cakwe. Ta konzyi, kutaba Nabwiinga Wakwe kusikila waba cibeela Cakwe. Elyo eco ncibeela ca Ijwi, sunu, eco caamba kuti Ngu mbobuca nguwenya, sunu, amuya myaaka.

¹⁹⁷ I bulotwe bwa whiiti obo bwakapona lumwi mu nyika, a kuwida aansi, wakabusigwa mu bukozyanye bwa museke oyo wakanjila mu bulongo. Elyo, Mwami, aa Buzuba bwa Pentekoste mpaawo kwakasika Mbungano mpati. Mpaawo kwakasika nseke imbi ya whiiti, yeelede kuba Sibwiinga a Nabwiinga wa buzuba bwamamanino.

¹⁹⁸ Twa kajana, yaka wida mukati, nkambo ka Nguwe, kwa myaka ili cuulu. Kuzwa ku kkanso yaku Nicaea, yakali kubola mu bulongo.

¹⁹⁹ I basikujana butongo bakalemba bbuku, *I Leza Uumwine*, “Eelyo inga lyalekela bana baniini kufwa, a kujaigwa ku balavu, a kuumpwa. Elyo basikulwana bakajailwa buzumini Banakristo, aku baumpila a zijailo.” Ikuti na oyo muntu waka jisi buyo kumvwisya kwa kumuuya!

²⁰⁰ Eyo whiiti yeelede kubola mu bulongo, pele yakasonsa alubo, kutali mu bukozyanye obo bwaka selemukila mukati. Ya kaunka ansi mu bukozyanye bwa museke wa whiiti, pele, ciindi niyaka yutuka, ya kajis matu, mbuli whiiti niini eyo imena.

²⁰¹ Kumalekelo yakakomena monse, kuwa kuli Luther kusika kuli Zwingli, a muciindi cakatobela, elyo kumalekelo kusika ku ngalala. Lya kalicinca lini mu mazuba akwa Wesley. Kaboneka aniini mbuli whiiti, a kunji mbuli nguwo kwiinda matu mbwa kacita. Ula jokela alubo.

²⁰² Mpawo tu jana kuti, ya kaboola, museke, kaboneka kutandila mbuli imwi iini. Elyo ikuti na wakonzya biyo kuyaansi a kusomona cikwa, uyo ziba. Oyo museke mutaanzi wa whiiti taukwe inseke muli nguwo, pee. Calo ncikwa, matu. Mwami, lubukulusyo lupati lwa Pentekoste olo lwakainka, ca keelede kuba munzila eyo, Mwami, ku kukwabilila Whiiti cindi yaboola. Kwakanyina busena bwa Ndilyo kuunka.

²⁰³ Lino, Taata, tu lizi kuti tula bweza zintu zyoonse kwiinda ku bulenge, nkaambo Wa kabumba bupange. Wa kanununa nyika: kwiinda kunzila Njo kaibbiza, mazuba akwa Nowa, kumane kukambauka kwakwe; Yebo wakalosya Bulowa bwa Mwana atala lya nyika, kuti bwialisalazye nkambo ka Nduwe; alimwi mu bukkalo bupati buciza, mu kubambilulwa, Uya ku yuumpa a mulilo, ku kuumpa zintu zyoonse zyanyika. Mboli Mbo cita Munakristo, Ula mufutula: kumu bbizya; kumu salazya; mpawo kulembya inyika kuzwa kuli nguwe, a kumu taminina mpawo mbuli Wako wini, kwiinda ku kubikka Muuya Uusalala muli nguwe.

²⁰⁴ Tu lizi kuti whiiti eyi ilaboola kwiinda mu bubambe mbubonya. Bulenge boonse bula beleka mbubonya. Lino, Mwami, cindi twa bona cikwa eno kacisomoka kuzwa mu Museke, kunjila zyanyika, O Leza, kopa kuti ezyo nseke zika... I-i cikwa ceelede kusomoka, kutegwa museke ukonzye kunjila mu Busyu bwa Mwana. Nda mvwa kuboola kwa muncini uutebula, Mwami. Ta kukabi kaindi kalamfu. Elyo mpawo sikulingula mupati uyo bweza Nabwiinga Wakwe mu bulemu, mu Busyu bwa Leza.

²⁰⁵ Nda komba, Taata, kuti Uyo leleka umwi aumwi wesu. Atu yeeye, Mwami, kuti eci necoolwe cesu. Kwayanda ta tukabi a bwa juunza bumwi. Sunu nce coolwe cesu. "Sunu, kwainda ciindi cilamfu loko, cindi wamvwa Jwi Lyakwe, muta yumiyo moyo wanu." Mwami Leza, Ta ndizi bantu aba. Ikuti na kuli umwi awa, ubulizizye ceeći, kopa sunumasiku kuti bayo tambula buzule bwa Leza, a kuzuzigwa Muuya Uusalala. Ko cipa, Taata.

²⁰⁶ Lino a mitwe yesu kiikoteme, myoyo yesu kiikooteme, ayalo. Beenzuma, mundi jatile nzila yangu Mbwe abaula mulumbe wangu. Nda—Nda komba kuti Leza uyo kutondezya buyo eco nce Ndali kupandulula. Lino, ikuti... Nse yandi umwi kulanga.

Kobamba buyo mutwe wako kuukoteme. Nse citi. Kufumbwa na nduweni, ikuti na toli masimpe kuti buumi bwako . . .

²⁰⁷ Lino, mwabona, cimwi acimwi ca bweende obo, ncinzi ncoba kacita? Ba kanjila mu kabunga. Ino inga Ca citanzi? I Muuya wakazwa, kuli umbi. Mpoonya buyo Luther mbwa kabunganya; Wa kanjila moonya muli Wesley. Wesley wakabunganya; Ya kanjila moonya mu Pentekoste. Pentekoste yakabunganya; ino Iyo unka kuli? Mbubonya mbuli Musumpululu wa Mulilo, uzumanana buyo kweenda.

²⁰⁸ Elyo bantu bamwi, ba lati, "Ndili muna Pentekoste." Eco cili kabotu. "Ndili muna Lutherani." Eco cili kabotu. Taakwe cintu cilwana ceeco.

²⁰⁹ Pele, mweenzuma, mweenzuma, Whiiti ici zumanana kweenda. Twa kajisi lumwi lwa lubukulusyo lupati maningi. Lwa—lwa katola ciindi cilamfu. Makani aakale alatondezya kuti lubukulusyo lukkala buyo kutandila myaka yotatwe. Olu lwakkala kwa myaka ili kkumi ayosanwe, na inda, miswaangano mipati ya kuponya, pele wa katontola eno. Amulange! Lonse lubukulusyo luzyala kabunga lyoonse lwamana. Nkaambonzi olu tiilwa kacita? Kuli nkamu niini ya bakwesu yakatalika kutala, atala awa abusena bumwi, iitegwa Mvula Ncaalizi, tiiba kasakana; kalokela moonya mukati. Nkaambonzi? Mbukkalo bwa Whiiti, beenzuma. Ngu Whiiti. Kuli mulimo aa nyika uli mbuli buyo umwi waka njila mu bulongo kaindi eelyo ku matalikilo, luzibo lwini lwa pentekoste.

²¹⁰ I mambungano ali mukubunganya. Elyo umwi usola kuyaka maningi kwiinda umbi, a kujana mamembala manji a zintu, tubunga, bucebuce. Tula cibona. Ndili wa pentekoste. Tula cibona kacisomoka. Pele ninzi? Ceelede kucita ceeco, aboobo i—i Mwana ulakonzya kusika ku Nseke. Ikuti niya takaliko, lutaanzi, ikuti cikwa nicata kaliko kuzunguluka njiyo, ya kanyina busena bwakuya. Leza waka cibamba cikwa, mwabona, mbuli bulotwe, mbuli whiiti, mbuli cintu cili coonse cimbi eco cizwa ku cakutwisya. Lino, mwabona, takukwe kabunga kamwi kakatalika kuzwa olu. Nkaambonzi? Ta kucikwe cindi ca umwi. Tuli kumamanino.

²¹¹ Elyo ikuti na toli eni buyo awo mpoelede kuba, alimwi inga wati, "Mukwesu Branham, ikuti na Leza uyo swiilila mupailo wako ku balwazi, elyo Nda kamvwa eco Mwami nca cita mu kwiingula ku mupailo . . ." Elyo mwakamvwa bantu bamwi mu inyika sunu, bali mukukomba. Yebo wati, "Ndi . . . Sa ingawandi kombela, kuti Ndiyo tambula luzibo olo, Mukwesu Branham? Kwayanda nseka muboni alubo." Kwayanda nseka muboni. "Pele komba kuti Njo bako. Nse limvwi buyo mbuli kuti inga Nda ba okuya lino. Pele Ndi yanda kamundi kombela, kuti Njo bako."

²¹² Lino, mitwe yoonse kiikoteme. Tambika janza lyako, sa ula cita? Mwami aku longezye, aku longezye, a yebo. Leza amu longezye. Mu nkamu eyi ya bantu, Nda yeeyela, makumi osanwe, ndiza, na maanza ali makumi ali ciloba aosanwe atambikwa.

²¹³ Lino, Oyandwa Jesu, Uli mubetesi. Tuli buyo bakambausi. Nda komba, Oyandwa Leza. Elyo—elyo ikuti na Nda jana luzyalo ku meso Aako, koingula mupailo wangu. Wa libona janza lyonse lyainka mujulu. Wali zyi eco cali mu moyo wabo. Tu syoma kuti baka salilwa Buumi. Elyo Saatani, mbuli buyo mu mazuba akwa Adamu, uli mukusola kubamba cipange eco cilondo kucilesya kuyutuka. Akube kuti wiime sunumasiku. Akube kuti Bulowa bwa Jesu Kristo bu cisinkile, alimwi akube kuti kuyutuka mbuli cipange cilondo kuli Leza. Ko cipa, Taata.

²¹⁴ Akube kuti ba lizibye mu Ijwi lya Kristo. Wa kati, “Muntu nata zyalululwa . . .” Akube kuti batambule luzibo olo lwa kuzyalululwa. Akube kuti batambule lubbizyo lwa Muuya Uusalala, kubambululwa kwa zintu zyoonse zya inyika. Taba ciciyandi limbi, Mwami. Kosalazyta inyika eyo kuzwa kuli mbabo, a ku zibikka mbuli cipange cilondo kumbele lya bantu. Ko cipa, Mwami, kuti inga Wa kkomana mu bukkalo obu bwa ciindi caku muunda mu mazuba aakumamanino okuno, ku kutuula cipange Cako cilondo ca baalumi a banakazi aba, balombe a basimbi, abo baka jatilila janza lyabo. Ko cipa, Mwami.

²¹⁵ Longezya lubukulusyo olu luya buzumanana mu dolopo. O Leza, Nda komba kuti mwaalumi a mwanakazi oonse, bali munsi loko, bayo swaya lubukulusyo olo. Elyo akube kuti umwi aumwi wabo azulwe Muuya Uusalala, alimwi akube kuti kube lubukulusyo lwa ciyanza cakaindi lufumpa kwiinda mu dolopo eli liniini awa, kusikila bantu kuzwa koonse nkoba yoosika. Ko cipa, Mwami. Kotupa zintu ezi, Taata, nkambo twa zilomba mu Zina lya Jesu. Ameni.

²¹⁶ Nda Mu yanda. Nda Mu yanda. Sena mula Mu yanda? Nywebo mulizi, Paulo wakati, “Ikuti na Nda imba, Nda imba mu Muuya.” Nda libuzya. Ndili kule loko kuzwa mukuba mwiimbi. Pele ndalibuzya buyo, antoomwe, ikuti na tii twa konzya kutilika Iwiimbo olo, *Nda Mu Yanda*. Sa inga wa tupa bulile, mucizi? “Nkaambo Wa kasaanguna kundi yanda.” Mwa kacimvwa. Mbangaye ba izyi? Atu bone maanza anu . . . Njimwi ya nyimbo zyangu zyakaindi. Ndila iyanda ku yiimba. Ncibotu.

²¹⁷ Lino atu kotamike buyo mitwe yesu a kujala meso esu, a kwiimba eno, *Nda Mu Yanda*.

Nda Mu yanda, Nda Mu yanda
 Nkaambo Wa kasaanguna kundi yanda
 A kuula lufutuko lwangu
 Aa cisamu ca Kalivari.

²¹⁸ Atu ng'ung'une. Buzubabumwi bafulicoongo bayo fumpa mulengalenga. Kuyooba kulila kwa mweembo. I bafwide muli Kristo bayo boola. Oh, obo mbo tuyu Ci yanda mpawo!

A kuula lufutuko lwangu
Aa Kalivari.

²¹⁹ Mpaawo Mpa kaba Cipange cilondo cesu.

²²⁰ Amuyeeye buyo, zipange zyonse zilondo, kazitaninga kubikkwa mu hoolo ya mpuwo, zyeede kwiinda mu hoolo yabo ya basikujana butongo, lutaanzi. I basikujana butongo beeede kubona ikuti na bala konzya ku cikazya. Pele cindi yaima basikujana butongo, mpawo yaka tolwa ku buyake bwa mpuwo. Mwana wa Leza wakainda muli basikujana butongo kuli bakabunga boonse, kabungwe, akwalo kusikila Pilato wakati, "Nse jana butongo muli nguwe." Judasi wakati, "Nda aba Bulowa butakwe kaambo."

²²¹ Mpawo Leza waka Mu busya, alimwi Ula lengelela mu hoolo mpati ya mpuwo sunu, ku janza lyalulyo lya Leza, kabamba nkombelezyo. Sa toyandi ku Mu sangana okuya? Sa toyandi kuba cibeela ca ceeco? Inga waba. Uli tambidwe kuba. Kuciindi no twiimba lwiimbo olu, nkaambonzi to lubandiki buyo kumanizya a Ngewe eno.

. . . kusaanguna ku ndiyanda
A kuula lufutuko lwangu
Aa cisamu ca Kalivari.

²²² Kuciindi notu yiimba alimwi, Ndi yanda kuti usukane maanza a muntuumwi ku tafule kuzwa kuli nduwe lino. Kwaamba, "Leza aku longezye, mweenzuma Munakristo. Leza aku longezye. Kondi kombela." Umwi aumwi wanu ulacita eco lino, mbuli mbo twiimba eci alubo.

Nda yanda . . . (Kondi kombela. Kondi
kombela.) . . . Mu yanda
Nkaambo Wa . . .

²²³ Mbo mbubo, kosukana maanza, kwaamba, "Kondi kombela." Nyoонсе amu ndikombele. Ndi yanda kuyooba kokuya, kapati loko.

A kuula lufutuko lwangu
Aa cisamu ca Kalivari.

²²⁴ Lino atu kotamike mitwe yesu a kujala meso esu, aku tambika maanza esu a ku yiimba kuli Ngewe eno.

Nda . . . (O Leza!) Nda Mu yanda
Nkaambo Wa kasaanguna kundi yanda
A kuula lufutuko lwangu
Aa Kalivari.

Amulange Cipange canu cilondo kacilengelela okuya.

²²⁵ Mubumbi Mupati, Leza mupati Oyo wakalenga muntu, a ku mubumba akumubikka mubupange bwa cinkoza Cakwe omwini, Nda Ku lomba, Mwami, kuti Uyo tubweza sunumasiku. Akube kuti obu bube busiku bwaciibalusyo, ciibaluko cini kuli ndiswe, kuti, sunumasiku, Mwami, sunumasiku, moonya muno mu Stardust Motel, akube kuti Yebo ubumbe bantu kuba mu cinkoza ca bana ba Leza. Ko cipa, Mwami. Mubumbi mupati, Nduwe Umwi alikke uukonzya kucicita. Bweza Ijwi Lyako, Mwami, ko Li bamba moonya mu myoyo ya ndiswe toonse, kuti tu konzye kuba zipange Zyako zilondo mu mazuba akumamanino, a kwiitwa kuti Nabwiinga wa Kristo. Bantu bamwi kutegwa babona kuti kuli kasimpe kali boobo a lutangalo luli boobo mu kuponena Nguwe.

²²⁶ Mwami, buzuba buno, kuti mambungano esu alo, ali mukusweekelwa kusinizya kwabo. Taba...Kuboneka kuba, koonse kuunka ku Hollywood, Mwami, ncinci cakacitika? Ba katobela ii—ii kubalamu mucibaka ca kumweka. Tu lizi kuti inyika ilabalama mu ziyanza zyanyika. Pele Makanimabotu alamweka a luyando a Kristo. Kopa, Mwami, kuti tuzwe ku inyika mpati, a kunjila mu kubalamu kwa Kristo.

²²⁷ Mbi Bako, Mwami. Wa kabaula. Yebo...Ba tambika maanza abo, sunumasiku, bali kuyanda kuba. Lino, Taata, Nda...Ikuti na Nda konzya, inga Nda babamba obo, pele ta Ndi konzyi. Pele Ndila Ku syoma. Wa kati, "Oyo uboola kuli Ndime Nse kamutandi pee. Oyo uumvwa Ijwi Lyangu a kusyoma ali Nguwe waka Ndi tuma, uli jisi Buumi buteeli, alimwi taka booli mu Lubeta," kutali kulicengeezya lino, Mwami, pele kusyoma, "wa kazwa ku lufu kuyaku Buumi." Ko cipa, Taata. Mbi Bako, kwiinda mu Zina lya Jesu Kristo. Ameni.

²²⁸ Mula Mu yanda? Sa Tali mubotu loko?

²²⁹ Kotupa tyuuni niini, na bulile bwa njiyo, mucizi, *Mubotu, Mubotu.*

Mula yanda kwiimba? Sa Ndi tola ciindi cilamfu?

²³⁰ Ndila kubotelwa kukomba. Mula cita na? Ii Mulumbe, muniini ukosola mbuli oyu, Ta ndi...Nywebo mulizi, Nda bijilwa kugonka. Pele, yebo, weelede koonda mpikili, kuti koibamba kujata. Nywebo mulizi eco nce Ndi pandulula. Inzya. We elede ku cibamba kumvugwa eno. Elyo mwabona?

²³¹ Mula luyanda lwiimbo olo? "Mubotu, mubotu, Jesu kuli ndime." Mulizi obo na?

Mubotu, mubotu, Jesu kuli ndime,
Sinkuta, Mwami wa Luumuno, Leza Singuzu
Mbwa bede;
Kundi futula, kundi tantamuna ku zibi a
mause onse,
Mubotu Munununi wangu, lilumbaizigwe Zina
Lyakwe!

Nda kali swekede limwi, ino Nda janwa,
 kwanguluka ku mulandu,
 Jesu ulapa bulubusi a lufutuko luzwide;
 Kundi futula, kundi tantamuna ku zibi a
 mause oonse,
 Mubotu Munununi wangu, lilumbaizigwe Zina
 Lyakwe!

Bantubonse!

Mubotu, mubotu, Jesu kuli ndime,
 Sinkuta, Mwami wa Luumuno, Leza Singuzu
 Mbwa bede;
 Kundi futula, kundi tantamuna ku zibi a
 mause oonse,
 Mubotu Munununi wangu, lilumbaizigwe Zina
 Lyakwe!

²³² Lino atwaambe, “Alumbwe Mwami!” “Alumbaizigwe Mwami!” Sena tamu limvwi kukumbwa? Limvwa kabotu? Mukombe Mwami. Walo mubotu.

²³³ Leza amu longezye mane Nka swaangane alubo. Ndi lapa kuswaangana lino ku mukwesu, mweendelezi.



I CIPANGE CA LEZA CILONDO CAKATONDEZEGWA TNG64-1205
(The Identified Masterpiece Of God)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa mu Mujibelo mangolezya, Nalupale 5, 1964, ku cipobwe ica Full Gospel Business Men's Fellowship International ku Stardust Motel mu Yuma, Arizona, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org